



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a **Creative Commons Attribution-NonCommercial  
3.0 Unported** (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

1823

232.9

3-15

1888

2001

2010

60

# ՅԻՍՈՒՍԻ ԵԿՈՒՐ

ԹԱՐԳՄԱՆՈՒԹԻՒՆ

ՆԻԻՄԸՆ ՀԱՆ ԱՆՈՒՆ ԵՐԵՒԵԼԻ ԱՆԳՂԻԱՅԻ  
ՔԱՐՈՉՁԻՆ ՅՕՐԻՆԱԾ ՏԵՏՐԱԿԻՆ

معارف عمومیه نظارت جلیله سنک ۲۵ محرم ۳۰۶ و ۱۹ ايلول  
۳۰۶ تاریخلی و ۶۲۸ نومرولی رخصتنامه سیله نشر اولمشدر  
ومصارفی آمریقان مسیوز شرکی طرفدن تسویه اولتهرق طبع اولمشدر

ԿՈՍՏԱՆԴՆՈՒՊՈԼԻՍ

Ի ՏՊԱՐԱՆԻ Ա. ՅԱԿՈԲ ՊՅՅԱՃԵԱՆ

1888

232.9  
2-15

## ԵԿՈՒՐ ՅԻՍՈՒՍԻ



Լսէ սիրելի մեղսակից իմ. Ի՞նչպէս քաղցր, Ի՞նչպէս զարմանալի հրաւեր է այս: Աստուած կը խօսի, և կը խօսի քեզի: Հայրն Աստուած կ'ըսէ, «Եկուր:» Որդին կ'ըսէ, «Եկուր,» Սուրբ Հոգին կ'ըսէ, «Եկուր:» Օրհնեալ հրեշտակները արձագանգ կու տան աղաղակելով, «Եկուր:» Շատ մը խեղճ մեղաւորներ որ ընդունած են այս հրաւերը, միաձայն կ'ըսեն, «Եկուր Յիսուսի:» Ով ողորմելի մեղաւոր, այս տեսրակը անոնց հետ միաբան կ'աղայէ քեզ ամենայն անկեղծութեամբ, պարզութեամբ և սիրով, որ դաս Յիսուսի:

Երբ ինքն Յիսուս երկրիս վրայ կը գտնուէր, լաւ գիտնալով մարդոց նեղութիւնները և մեղքերը և ըլլալով կարեկցութեամբ լեցուն, մինչ կը նայէր իւր շուրջը գտնուող բազմութեան վրայ որ օր մը շրջապատեցին զնա, ըսաւ սիրով, «Եկէք ինձի բոլոր յոգնած ու բեռնաւորածներ, և ես ձեզ պիտի հանգչեցընեմ:» Մատթ. ԺԱ. 28—30: Ինչ որ ըսաւ այն ատեն, կ'ըսէ հիմա ևս: Հրաւերը որ ըսաւ այն օրուան մարդոց՝ կ'ընէ քեզի ալ, մեղսակից իմ, ըսելով, «Եկուր ինձի:» Ո՞չ ապաքէն դուն բեռնաւորուած ես մեղքով: Ո՛հ, ու-

քեմն եկուր Յիսուսի, և պիտի գտնես հան-  
գիստ: Եկուր Յիսուսի, եկուր Յիսուսի:

### ԵԿՈՒՐ ՅԻՍՈՒՍԻ

Յիսուս կը խոստանայ հանգիստ: Բայց հոգ-  
ւոյն հանգիստը շատ մը աւելի լաւ է քան  
մարմնոյն հանգիստը: Գէշ բան է ըլլալ գերի,  
հեծել, արիւն թափել, չարաչար աշխատել,  
բայց շատ մը աւելի գէշ է ըլլալ Սատանային  
գերի, ունենալ չար խիղճ և վշտացեալ սիրտ:  
Կարելի չէ ուրիշ կերպով գերծ ըլլալ այս բա-  
ներէն՝ բայց եթէ գալով Յիսուսի: Եթէ մենք  
կու գանք Յիսուսի, նա կը թեթեւցունէ ամէն  
ուրիշ բեռ ևս: Աղքատ ես: Եկուր, և Յի-  
սուս պիտի ընէ քեզ հարուստ յաւիտեան:  
Հիւանդ ես: Եկուր և նա պիտի բժշկէ քեզ  
քու ամենէն գէշ ախտէդ: Տրամած ես: Ե-  
կուր, և նա պիտի սրբէ արցունքներդ: Երեսի  
վրայ թողուած ես: Եկուր, և ձախորդու-  
թեան մէջ նա պիտի ըլլայ քեզի եղբայր, որ  
չփոխուիր, և չմեռնիր բնաւ: Մեղքով բեռ-  
նաւորուած ես: Ո՛հ, ուրեմն եկուր Յիսուսի,  
և նա վրայէդ մէկդի պիտի առնուր բոլոր մեղ-  
քերդ: Կը սոսկա՞ս մահուանէ և դատաստա-  
նէն: Եկուր, և այն օրը պիտի ըլլայ քեզի ար-  
շաղոյս և սկիզբ կենաց և փառաց: Ո՛հ, եկուր  
ուրեմն: Այսպիսի անձէ մը կը խոստանայ որ  
պէտք է որ բաւական ըլլայ քեզի ուրախացու-

նելու: Եթէ օտարական մը ըլլար հրաւիրողը,  
կրնայինք ըսել, «Թերեւս բարեք չկամիր ին-  
ծի:» Եթէ աղքատ մը ըլլար հրաւիրողը, կըր-  
նայինք ըսել, «Չկրնար օգնել ինձ, թէպէտ  
ուզէ օգնել:» Եթէ ըլլար անձնասէր հարուստ  
մը՝ կրնայինք ըսել, «Ո՞վ կրնայ սպասել ան-  
կէ բարեք: Ո՞վ մեղաւոր, այն որ կը հրաւիրէ  
քեզ, թէ՛ կարող և թէ՛ կամեցող է օգնել:  
Ունի հանդերձներ մերկին համար, կերակուր՝  
անօթիին համար, հարստութիւն՝ աղքատին  
համար, յաւիտենական կեանք՝ ամենուն հա-  
մար: Անոր խօսքն անգամ թէ «Եկուր», բա-  
ւական է ուրախացունել քեզ: Ճամբուն քով  
կոյր մուրացկան մը լսելով թէ կ'անցնի Յի-  
սուս, աղաղակեց, «Ողորմէ՛ ինծի, ողորմէ ին-  
ծի:» Ժողովուրդն ըսաւ որ լռէ, բայց նա աւելի  
բարձր աղաղակեց, «Ողորմէ՛ ինծի:» Յիսուս  
կանչեց զնա, և այն ատեն ոմանք ըսին, իբր  
թէ որպէս զի կոյրը բոլորովին վստահ ըլլար  
թէ պիտի ընդունէր օրհնութիւն, «Փաջ ե-  
ղիր, եղիր, քեզ կը կանչէ:» Անոնք գիտէին  
թէ Յիսուս բնաւ չէր կանչեր և յետոյ մեր-  
ժեր, վասն որոյ ըսին կոյրին որ ուրախանայ:  
Մեղաւոր, ուրախ եղիր. նոյն Յիսուսն է որ  
կը կանչէ քեզ: Ինչպէս որ կոյրը մէկդի նետեց  
իւր հանդերձը որպէս զի այն արդեւիք չըլլար  
իրեն, նետէ վրայէդ ամէն մեղք որ արդեւիք  
կ'ըլլայ քեզի. վազէ ամէն դժուարութեանց

52143-44-45



38666-67

ամբոխին մէջէն , և իյնալով Յիսուսի ոտքը ,  
ըսէ , “Ողորմէ ինծի , ես կոյր եմ , ես կորսուած  
եմ , ազատէ զիս” , եթէ ոչ՝ կը կորսուիմ :”  
Հա՛տ մեծ մեղաւոր ես : Ուրեմն աւելի պէտք  
ունիս գալ Յիսուսի : Խայթող խիղճ ունիս :  
Եկուր այդ խայթող խիղճովդ : Չար սիրտ ու  
նիս : Եկուր այդ չար սրտովդ : Չունի՞ս բան  
մը որով զնեա անոր բարիքները : Եկուր “ա-  
ռանց ստակի” : Հարուստներ և աղքատներ ,  
տէրեր և ծառաներ , ծերեր և երիտասարդ-  
ներ , սպիտակ և սևամորթ մարդիկ , և ամէն  
կարգէ մեղաւորներ , Եկէ՛ք :

Կարդա ես . ԾԵ . , Մատթ . Բ . 1—17 , ԺԱ .  
28 , 30 , Մարկ . Ժ . 46—52 , Յայտ . ԻԲ . 17 :

“ԻՆՉՈ՞Ւ ԷԱՄԱՐ ՅԻՍՈՒՍԻ ԳԱՆՈՒ ԵՄ :”

ԴՈՒՆ ՄԵՂԱԽՈՐ ԵՍ , ԵԿՈՒՐ ՈՐ ԹՈՂՈՒԹԻՒՆ ԸՆԴՈՒՆԻՍ

Թերեւս չեա զգար թէ մեղաւոր ես դուն :  
Գէթ կը կարծես թէ ուրիշներէ աւելի չար չեա ,  
բայց շատերէն աղէկ ես : Դուն չեա գինով ,  
գող , շնացող , հապա կը պահես կիրակին , կը  
կարդաս Աստուածաշունչը , և կ'երթաս Աս-  
տուծոյ տունը : Բայց իրա՞ւ հնազանդած ես  
բոլոր պատուիրաններուն : Բնաւ չկտրեցի՞ր  
անոնցմէ մէկը : Միշտ խօսեցա՞ր ճշմարիտ . ե-  
ղա՞ր մաքուր , պարկեշտ , համեստ , ներող և  
քաղցր : Բնաւ չեղա՞ր հպարտ , չարակամ , բար-

կասիրտ , խաբեբայ կամ ցանկացող : Աստուած  
կը պահանջէ քե՛նէ ըլլալ սուրբ սրտիւ , ինչպէս  
բարի՝ արտաքին վարքով , և նա գիտէ բոլոր  
մեր խորհուրդները : Ուրեմն բնաւ չե՞ս ունե-  
ցած մեղաց խորհուրդ . քու սրտիդ մէջ , թէ  
պէտ դրսուանց զայն գործել համարձակած  
չես : Դարձեալ . առաջին և գլխաւոր պատ-  
ուիրանն է սիրել Տէրը , մեր Աստուածը , մեր  
բոլոր մտքով և զօրութիւնով : Միշտ ըրա՞ծ ես  
զայս . միշտ շնորհակալ եղա՞ծ ես անոր ողոր-  
մութեանց համար . միշտ խնամով կարդացա՞ծ  
ես անոր խօսքը զայն պահելու համար . միշտ  
ջանացա՞ծ ես հաճեցունել զնա . սիրա՞ծ ես  
զնա և աղօթա՞ծ ես անոր . զուարճութիւն  
սեպա՞ծ ես անոր օրը . սիրա՞ծ ես անոր ժո-  
ղովուրդը , անոր պաշտամունքը . միշտ ջանացա՞ծ  
ես ըլլալ “սուրբ ինչպէս որ անիկա սուրբ է ,”  
ճանչցունել անոր ճշմարտութիւնը , յորդորել  
ուրիշները՝ սիրել զնա , և ջանացա՞ծ ես ամէն  
բանի մէջ փառաւորել զնա : Եթէ միշտ ըրած  
ես այս բաները , տակաւին միայն քու պար-  
տականութիւնդ կատարած ես , և չունիս պար-  
ծենալու բան մը : Բայց դուն չըրիր այս բա-  
ները . խիղճդ այսպէս կ'ըսէ քեզի : Դուն գի-  
տես որ մեղանշած ես հազարաւոր անգամ :  
Դուն գիտես որ փնտռած ես քու հաճոյքդ ,  
և քու լաւագոյն գործոցդ մէջ անգամ չար-  
ժառիթդ չէր փափաք զԱստուած հաճեցունել

լու : Ապրած ես քու անձիդ համար , փնտռած ես զմարդիկ հաճեցունել , բայց զԱստուած ունեցած չես քու բոլոր խորհուրդներուդ մէջ : Սուրբ Գիրքը կ'ըսէ , « Թէ որ ըսենք թէ մենք մեղք մը չունինք , ինքզինքնիս կը խաբենք : Արդար մը չկայ՝ ոչ մէկ հատ մը : Ամէնքը մեղք գործեցին և Աստուծոյ փառքէն պակասած են : » Ո՛վ մեղսակից իմ , ճշմարիտ չէ՞ այս խօսքը քեզի համար : « Ան Աստուածը՝ որուն ձեռքն է քու շունչդ , և որուն են քու ամէն ճամբաներդ , չփառաւորեցիր : » Դուն մեղաւոր ես : Ծանր մեղքերով բեռնաւորուած ես : Աստուծոյ Գիրքին մէջ գրուած են բոլոր քու մեղքերդ : Չես կրնար ազատուիլ անոնցմէ : Եթէ աշխատէիր հազարաւոր տարիներ , պիտի չըլլայիր կարող քաւել անոնց փոքրագոյն մասն իսկ : Ինչ որ կարող ըլլայիր ընել , պիտի ըլլար քու պարտականութիւնդ միայն : Եթէ վճարէիր այս օրուան պարտքդ , տակաւին կը մնար երէկուան պարտքդ ինչ որ էր : Եւ եթէ քու բոլոր ստացուածքդ տայիր , կամ չարչարանք կրէիր և մեռնէիր , չէիր կրնար ազատուիլ մեղքերէդ : Անցեալը կարելի չէ , ետ կանչել : Բայց յանցաւորին համար կայ թողութիւն ձրի , կատարեալ և յաւիտենական : Ով մեղաւոր , Յիսուս ունի քեզի համար թողութիւն զոր գնած է բուն իւր արեամբ : Եկուր ընդունէ զայն : Եկուր Յիսուս ֆրիստոսի և ընդունէ զայն :

Կարդա եւ . Ի . 1—18 , Սաղմ . ԾԱ . , ՃԼԹ . , Մատթ . Ե . , Հռովմ . Գ . 10—20 , 23 , Ա Յովհ . Ա . 8—10 :

ԱՍՏՈՒԱԾ ԲԱՐԿԱՅԱԾ Է ՔԵԶԻ , ԵԿՈՒՐ ՀԱՇՏՈՒՆ  
ԱՆՈՐ ՀԵՏ

Սուրբ Գիրքը կ'ըսէ . « Աստուած մեղաւորին ամէն օր բարկացած է , » « Բոլոր անօրէնութիւն գործողները կ'ատէ : » Եւ , ով մեղաւոր , ո՞չ ապաքէն Աստուած շատ պատճառ ունի բարկանալ քեզի : Նա տուաւ քու կեանքդ և կարողութիւններդ , և կը պահպանէ զանոնք , և կու տայ քեզի ամէն միտքաւորութիւններդ : Սակայն կը մոռնաս զնա : Պատուիրանները տուած է քեզի . և անոնց բոլորին նպատակն է բարիք քեզի , բայց դուն ուշադրութիւն չես ընել անոնց : Չես մեծարեր զԱստուած , այլ կ'ապրիս այնպէս իբր թէ չկայ այսպիսի էակ մը : Որպիսի՞ ապերախտ որդի մը պիտի ըլլայիր եթէ այսպէս վարուէիր երկրաւոր ծնողացդ հետ , այսինքն՝ եթէ հեռանայիր անոնց քովէն , չուզէիր խորհել անոնց վրայ , և ուշադրութիւն չտայիր անոնց կամքին :

Լսէ ուրեմն թէ ի՞նչ կ'ըսէ Աստուած . « Լսէ ով երկինք , և ականջ դիր ով երկիր . զաւակներ մեծցուցի ու բարձրացուցի , և անոնք ինծի դէմ ապստամբեցան : » Սիրով լեցուն է Նա դէպի քեզ , իբրև գորովագութ Հայր ,

բայց քու մեղքերովդ վշտացուցիր զնա : Բայց աստի նա է քու Արարիչդ , Թագաւորդ , և արդար Դատաւորդ , և ի հարկէ պիտի պատ-  
ժէ բոլոր մեղաւորները : Պիտի վարուի ապրս-  
տամբաց հետ ոչ իբրեւ դժած հայր , այլ իբրեւ  
բարկացած Թագաւոր : Բայց բուն իսկ քու  
յանցանացդ համար բարկացած է : Դուն բար-  
կացուցիր զնա : Քու մեղքերդ բաժանում կը  
ձգեն քու և Աստուծոյդ մէջտեղ : Յորչափ  
կ'ապրիս առանց ապաշխարելու մեղացդ վրայ ,  
անոր բարկութիւնը միշտ բորբոքեալ պիտի  
մնայ քեզի դէմ , ով մեղաւոր , և դուն չես  
կրնար փախչիլ կամ ծածկուիլ անոր երեսէն :  
Ուր որ ես , հոն է նա , և է բարկացած : «Նա  
կը քննէ քու շաւիղդ ու պառկելդ ,» և բար-  
կացած է : Անկէ կախեալ է նոյն իսկ քու  
յաջորդ շունչդ շնչելդ կամ չշնչելդ , և բար-  
կացած է : Ով մեղաւոր , աւելի աղէկ էր որ  
բոլոր աշխարհ բարկանար քեզի քան թէ Աստ-  
ուած : Ի՞նչ ահաւոր է քու կեանքդ : «Աս-  
տուծոյ բարկութիւնը քու վրադ կը մնայ :»  
Ի՞նչ սոսկալի բան է զգալ անկողին մտած ժա-  
մանակդ թէ «Աստուած բարկացած է» քեզի ,  
արթննալ և գիտնալ թէ «Աստուած բարկա-  
ցած է ,» ուր որ երթաս և ինչ որ ընես , «Աստ-  
ուած բարկացած է :» Եւ ո՛հ , մեռնել՝ գիտ-  
նալով թէ «Աստուած բարկացած է ,» և կե-  
նալ Անոր դատաստանի աթոռին առջևը և

«Ես եւ թէ նա բարկացած է քեզի : Մեղաւոր ,  
Աստուած այն ատեն միայն կը բարկանայ՝ երբ  
դուն կը բարկացունես զայն . նա յօժար է  
բարեկամ ըլլալ քեզի . զրկեց իւր Որդին սա  
պատգամով , «Հաշտուեցէք Աստուծոյ հետ :»  
Եթէ քու սիրտդ տաս այն Դեսպանին , և ա-  
պաւինիս անոր , բոլոր այս բարկութիւնը պի-  
տի դադարի : Ո՛հ , ուրեմն եկո՛ւր Յիսուսի :  
Այլ ևս մի ըլլար Աստուծոյ թշնամին , այլ  
ընդունէ անոր առաջարկութիւնն՝ ըլլալ անոր  
բարեկամը : Բայց զգուշացիր զՅիսուս մերժե-  
լէ , վասն զի նա կ'ըսէ , «Ան որ Որդիին չհնա-  
ղանդիր ,» այսինքն չդար Որդիին , «անիկա  
կեանք պիտի չտեսնէ . հապա Աստուծոյ բար-  
կութիւնը անոր վրայ կը մնայ :»

Կարդա Յովհ . Գ . 36 , Սաղմ . Է . 11 , Ե . 5 , 6 ,  
Իմ . 8 , 9 , Հռովմ . Ա . 18 , Բ . 5—9 , Բ Կոր . Ե .  
18 , 21 , Եփես . Ե . 6 , Բ Թեա . Ա . 7—9 :

ԴԺՈՒՔԸ ՔԵԶԻ ԿԸՍՊԱՍԷ , ԵԿՈՒՐ ՈՐ ՓՐԿՈՒԻՍ

Դժոխքը մտացածին բան չէ եկեղեցական-  
ներէն հնարուած , վախցունելու համար զմար-  
դիկ , այլ այնչափ ստոյգ է որչափ Աստուա-  
ծաշունչն է Աստուծոյ խօսքը . ստոյգ է թէ  
«Ամբարիշտները դժոխքը պիտի դառնան , և  
ամէն ազգերը որ զԱստուած կը մոռնան :»  
«Մարդոց սահմանուած է մէկ անգամ մը մեռ-  
նիլ , ու անկէ ետքը դատաստան :» Ուրեմն ա-

մէն մարդ հաշիւ պիտի տայ «իր մարմնովը ըրածներուն» համար: «Ստատուած մարդոց ծածուկ բաները պիտի դատէ»: Սոյն ատեն բոլոր մեղաւորը որ թողութիւն չեն ընդունած գալով Յիսուսի, պիտի դտնուին Դատաւորին ձախ կողմը, և նա պիտի տայ ահաւոր վճիռ անոնց դէմ, «Մէկ դի դացէք ինծմէ, անիծեալներ, յաւիտենական կրակին մէջը՝ որ պատրաստուած է Սատանային ու իր հրեշտակներուն»: Ո՛հ, ո՞վ կարող է պատմել այն տեղւոյն չարչարանքները: Հոն չկայ այլ ևս ցերեկուան հաճելի լոյսը, չկայ բարեկամաց զուարթարար ձայնը, չկայ տան ընծայած մխիթարութիւնները, չկան այլ ևս աշխարհիս և մեղաց հաճոյքները: Հարուստը չկրնար իւր հետ տանել մաս մը իւր հարստութենէն, և ոչ զբօսասէր մարդը՝ իւր զբօսանքներէն: Խիղճը կը խայթէ իւր խայթոցով, անցեալ ժամանակին մէջ դործուած մեղքերը կը յիշուին, և աղատութեան համար անցեալ պատեհութիւնները հիմա դացած են յաւիտեան: Ո՛հ, երանի՜ թէ անոնցմէ մին դառնար ետ: Ո՛հ, երանի՜ թէ Կիրակի մը ևս ըլլար: Ո՛հ, երանի՜ թէ ըլլար ողորմութեան համար աղօթելու ժամ մի ևս: Բայց յայնժամ շատ ուշ պիտի ըլլայ: Յաւիտեան պիտի ըլլայ խաւար, յաւիտեան մեղք, յաւիտեան վայ, յաւիտեան մահ: Յիսուս կը կոչէ այն վիճակը «կրակով ու ձիւնով վառած լիճ — դուրսի»

խաւարը, ուր պիտի ըլլայ լալ ու ակռաներ կճռցընել — ուր որ անոնց որդը չմեռնիր, ու կրակը չմարիր», — ուր չար հարուստը տանջանքի մէջ ըլլալով աղաղակեց, «Խորկէ Ղազարոսը, որ իր մատին ծայրը ջուրը թաթխէ, ու զովացընէ իմ լեզուս. ինչու որ աս բոցիս մէջ կը տանջուիմ»: «Մէն որ աղտոտ է ալ աղտոտ պիտի ըլլայ», «և անոնց տանջանքին ծովը կ'ելլէ յաւիտեանս յաւիտենից»: Ի՞նչ թշուառութիւն կրնայ ըլլալ աւելի մեծ քան որչափ կը ցուցնեն այս բառերը: Ուրեմն ի՞նչ պէս սոսկալի է ըլլալ դժոխքին մէջ: Ի՞նչ կայ աւելի սարսափելի քան զայն: Եւ ամէն մեղաւոր որ իւր մեղաց թողութիւն ընդունած չէ, հո՞ն կը դիմէ: Դո՛ւ, որ հիմա կը կարդաս այս երեսը, եթէ մեղացդ թողութիւն չես ընդունած, Դո՛ւ կ'երթաս հոն: Ամէն ժամ քեզ աւելի կը մօտեցունէ անոր: Եթէ անգամ մը հոն իյնաս, այլ ևս ամէն յոյս կ'երթայ յաւիտեանս: Բայց միթէ չկա՞յ աղատութիւն: Ս, յո, կայ մէկ ճամբայ և միայն մէկ ճամբայ: Փախի՛ր Յիսուսի: Նա եկաւ աշխարհ՝ աղատել դժոխքէն զմարդիկ: «Ստատուած անանկ սիրեց աշխարհը մինչև որ իր միածին Որդին տուաւ. որ ամէն ովոր անոր հաւատայ, չկորսուի, հապա յաւիտենական կեանք ունենայ»: Բան մը չկրնար փրկել քեզ եթէ չես գար Յիսուսի, բան մը չկրնար արգելել քու փրկութիւնդ, եթէ կու գաս Սնոր:

Կարդա Մատթ. ԺԸ . 1—13, Գլուխ ԻԵ . ,  
Մարկ . Թ . 43—48, Ղուկ . ԺԶ . 19—31, Յայտ.  
ԺԱ . 10, 11, Ի . 11—15, ԻԲ . 11—15,

ԵԿՈՒՐ, ՈՐ ԽՂՃԻ ԽԱՂԱՂՈՒԹԻՒՆ ՈՒՆԵՆԱՍ

“Ամբարիշտները խաղաղութիւն պիտի չու-  
նենան, կ’ըսէ իմ Աստուածս:” Կան մեղա-  
ւորներ որ կ’երևի թէ խաղաղութեան մէջ են,  
բայց պատճառը անոնց խորհելու դժկամա-  
կութիւնն է: Չեն կամիր մտածել: Բայց այս-  
պիսի չխորհելը արժանի չէ կոչուիլ Խաղաղութիւն:  
Ինչպէս մարդ մը որ ընկղմելու վրայ եղող նա-  
ւու մը մէջ կը գտնուի, բայց չըմեն թէ ինչ է  
վտանգը, կամ վաճառական մը որ կը խորհի  
թէ իւր բոլոր գործերը աղէկ չեն երթար,  
բայց չնայիր իւր հաշիւները որպէս զի չըլլայ որ  
իւր միտքը անհանգիստ ըլլայ, այսպէս նաև  
մեղաւորը կը խորհի թէ կայ գէշ բան մը, և  
վախնալով որ չըլլայ թէ վրդովի իւր խաղա-  
ղութիւնը, մէկ դի կը վանէ իւր մտքէն խորհելը  
Աստուծոյ և իւր հոգւոյն վրայ:” Սակայն ա-  
մէն մեղաւոր կը խորհի երբեմն, և ուստի  
թշուառ կ’ըլլայ: Երբ մահ կը պատահի դրաց-  
ւոյն տունը, կամ բուն իսկ անոր տունը, և  
կամ անոր անձին կը սպառնայ, և շատ ուրիշ  
ժամանակներ ևս, սա խորհուրդը կու գայ ա-  
նոր միտքը. “Աստուած բարկացած է ինձի .  
հոգիս վտանգի մէջ է . ես պատրաստ չեմ

մեռնելու:” Եւ ահա այսպիսի խորհուրդ մը  
ի՞նչպէս կը խանգարէ անոր զուարթութիւնը,  
և կը վրդովէ անոր խաղաղութիւնը:

Ո՛չ. դուն չես կրնար խաղաղութիւն ունե-  
նալ մինչև որ չընդունիս թողութիւն մեղաց:  
Կրնաս փորձել աշխարհիս բոլոր հաճոյքները  
մի առ մի, կրնաս խորհուրդներդ մէկ դի վա-  
նել մեղաց մէջ խոր ընկղմելով, բայց չես  
կրնար ըլլալ երջանիկ: Սակայն երբ կու գանք  
Յիսուսի, մեր բոլոր մեղքերը կը ներուին իս-  
կոյն: Տակաւին կը խորհինք անոնց վրայ ցա-  
ւով, բայց պէտք չունինք այլ ևս խորհել ա-  
նոնց վրայ երկխոյզով: Աստուած կ’ըսէ մեզի,  
“Չեր մեղքերը և անօրէնութիւնները ալ պի-  
տի չյիշեմ:” Կը ջնջէ “բոլոր յանցանքները:”  
“Վը նետէ զանոնք իւր ետևը, ծովին ան-  
դունդը:” Պիտի չյիշուին անոնք դատաստա-  
նին օրը: “Անիկա առատապէս կը ներէ:” Հի-  
մա սիրով կը նայի մեզի: Մենք պէտք չէ որ  
վախնանք անկէ: Կը հրաւիրէ զմեզ վստահել  
իրեն ինչպէս քաղցր բարեկամի մը: Փոխանակ  
ծածկուելու պահուրտելու անկէ, ինչպէս ը-  
րաւ Ադամ, մենք պարտիմք ապաստանիլ անոր  
քով, ինչպէս կ’ընէր Դաւիթ, ըսելով, “Գուն  
ես իմ ապաստանարանս:” Ո՛հ, ի՞նչ երջա-  
նիկ փոփոխութիւն: Ես մեղաւոր եմ տակա-  
ւին, բայց մեղաւոր՝ որուն մեղքերը ներուած  
են, որ հաշտուած է Աստուծոյ հետ, որ փրկ-

կուած է : Եւ խիղճս ինչ սոսկալի բաներ ալ որ ըսէ ինձ , Յիսուս կ'ըսէ , « Բու մեղքերդ ներուած են քեզի , դնա խաղաղութեամբ : » « Խաղաղութիւն կը թողումս՝ ձեզի , իմ խաղաղութիւնս կու տամ ձեզի : » « Հաւատքով արդարացած ըլլալով , խաղաղութիւն ունինք Աստուծոյ հետ մեր Տէր Յիսուս Բրիստոսի ձեռքովը : » Խեղճ մեղաւոր , դուն և խաղաղութիւնը շատ ժամանակէ հետէ օտար էք իրարու : Աշխարհային հաճոյքը խաղաղութիւն չէ , և զայն բանով մը չես կրնար ձեռք բերել մինչ դուն և Աստուած թշնամի էք իրարու և քու մեղքերդ կը ճնշեն հոգւոյդ վրայ : Ուրեմն եկուր Յիսուսի : Նա թէ՛ կ'ընէ խաղաղութիւն և թէ՛ կու տայ խաղաղութիւն : Խնդրէ թողութիւն անոր անուամբ , և շուտով պիտի հասկնաս թէ ինչ կրնանակէ « Աստուծոյ խաղաղութիւնը որ ամէն մօքէ վեր է : »

Տես Ես . ԾԵ . 7, ԾԷ . 21, ՄԷք . Է . 18 , 19 , Յովհ . ԺԴ . 27, Հռովմ . Ե . 1 , Բ . 31—34, Փիլիպ . Դ . 7 :

ԵԿՈՒՐ , ՈՐ ՆՈՐ ՍԻՐՏ ՈՒՆԵՆԱՍ

« Պէտք է ձեզի նորէն ծնանիլ , » ըսաւ Քրիստոս Նիկիոյեմոսի : Պէտք է ըլլայ մեծ փոփոխութիւն մեր խորհրդոյ և զգացմանց մէջ դէպ Աստուած՝ երկրի վրայ անոր ծառայելու և երկնից մէջ զնա վայելելու կարող ըլլալէ

առաջ : Մեղքը օտարացուցած է մեր միտքերն Աստուծմէ , այնպէս որ չենք փափաքիր անոր և ոչ կը սիրենք զնա : Զջմարիտ կրօնքը սիրելի չէ մեզի : Այս է ըլլալ « մօքով մարմնաւոր որ է մահ : » Սիրել այն բաները որ մեղքը կ'ընեն զգուելի , է մեծ փոփոխութիւն , մեռելներէն յարութիւն առնելու նման : Կը կոչուի այն վերստին ծնունդ , կամ նորոգութիւն : « Զջմարիտ , ճշմարիտ կ'ըսեմ քեզի , թէ որ մէկ մարդ մը շուրէն ու Հոգիէն չճնանի , չկրնար Աստուծոյ թագաւորութիւնը միտնել : » Ով անդարձ մեղաւոր , ի՞նչպէս կրնաս ակնկալել մօնել երկինք : Դուն երջանիկ պիտի չըլլաս հոն : Օգը սիրելի է ծիծեռնիկին , և մարգագետինը՝ կովուն , բայց ձուկը շուտով կը նուաղի հոն և կը մեռնի : Երկինք մօնելու համար պէտք է յարմար ըլլալ անոր : Երաժշտութիւնը կը զմայլեցունէ անոնք միայն որ ականջ ունին անոր . գիրքերը չեն տար հաճոյք անոնց որ կ'ատեն կարդալը : Եւ ընկերութիւնը այն ատեն միայն հաճելի է երբ անոր անգամք մի և նոյն զգացումները կը կրեն : Գռեհիկ անձ մը հանգիստ չըլլար պալատան մէջ , և տգէտը համ չառնուր գիտնոց ընկերութենէն , անառակը չսիրեր առաքինիներուն ընկերութիւնը , և ճիշդ այսպէս ամբարիշտը չկրնար հաճոյք զգալ կրօնքէն : Չէ՞ որ հանգստութեան օրը քեզի տխուր օր է , Աստ-

ուածաշունչը՝ ցամաք գիրք, կրօնական խօսակցութիւնը՝ անհաճոյ, աղօթքը՝ ծանր բեռ, և բարեպաշտից ընկերութիւնը՝ զգուելի։ Բայց երկնից մէջ միշտ հանգստութեան օր է, միշտ պաշտամունք, միշտ սրբութիւն։ անոր բոլոր բնակիչներն են արդար, և անոնց բոլոր խօսքերը և գործերը կը վերաբերին Աստուծոյ։ Երկինքը երջանիկ է, վասն զի սուրբ է, և վասն զի Աստուած հոն է։ Բայց եթէ չես սիրեր սրբութիւն և զԱստուած, երկինքը երջանիկ տեղ մը պիտի չըլլայ քեզի։ Դուն պիտի թափառիս թշուառ և միայնակ, աւրելով վայելքը որում չես ըլլար մասնակից, ապականելով տաճարը յորում դու միայն անկարող պիտի ըլլաս երկիր պագանել։ Վասն որոյ թէ որ նորէն չծնանիս, բնաւ պիտի չմտնես ներս։ Գիտեմ որ չես կրնար փոխել քու սիրտդ, զայդ կրնայ ընել Աստուծոյ Հոգին միայն։ Եւ Յիսուս մեռաւ ստանալ մեղի համար Հոգւոյն պարգևը։ Եւ այս պարգևը ձրիապէս կը տրուի բոլոր անոնց որ անկեղծութեամբ կը դիմեն փրկչին զայն խնդրելու համար։ Ո՛հ, ուրեմն ջերմեռանդութեամբ աղօթք ըրէ Աստուծոյ Հոգւոյն համար, որպէս զի նորէն ծնանիս։ Եւ կուր Յիսուսի՝ Դաւթի աղօթքն ընելով, «Ով Աստուած՝ իմ մէջս մաքուր սիրտ ստեղծէ, և իմ ներսի դիւ ուղիղ հոգի նորոգէ։» Եւ որպէս զի քաջալերուիս, խորհէ Գրիստոսի սա

խրախուսիչ խօսքին վրայ։ «Եթէ դուք որ չար էք՝ ձեր զաւակներուն աղէկ ընծաներ տալ գիտէք, որչափ աւելի ձեր Հայրը երկինքէն Սուրբ Հոգին պիտի տայ անոնց, որ իրմէ կը խնդրեն։»

Կարդա Յովհ. Գ. 1—21, Հռովմ. Բ. 5—9, Եփես. Բ. 1—6, Սաղ. ԾԱ. 10—12, Դուկ. ԺԱ. 1—13։

ԵԿՈՒՐ, ՈՐ ՎԱՅՅԵԼԵՍ ՈՐԴԵԳՐՈՒԹԵԱՆ  
ՈՒՐԱՆՈՒԹԵԱՆՅ ԱՐՏՕՆՈՒԹԻՒՆՆԵՐԸ

Երբեմն հարուստ մարդիկ կ'առնուն աղքատաց տղաքը և կը մեծցունեն զանոնք իբրեւ իրենցը։ Այս կը կոչուի «բօքսէ»։ Եւ Աստուած այսպէս կը նկարագրէ իւր վարմունքը դէպ առ Յիսուս եկողները. «Դուք ինծի տղաքներ ու աղջիկներ պիտի ըլլաք՝ կ'ըսէ Ամենակալ Տէրը։» «Որդեգրութեան Հոգին առիք, որ աշուղ կը կանչենք Աբբայ Հայր։» Արտօնութիւն տրուած է մեզ աղօթքի մէջ ըսել Աստուծոյ, «Ով Հայր մեր, որ երկինքն ես։» Կը սիրէ նա այն որդեգրեալ տղաքները աւելի սիրով քան որչափ կ'ունենայ երկրաւոր ծնող մը։ Կը կրթէ, կը հսկէ, կը մխիթարէ, կը կերակրէ և կը պաշտպանէ զանոնք։ Վիշտերը անոր ուղղած քաղցր յանդիմանութիւններն են անոնց բարիք ընելու նպատակաւ։ «Թէ որ խառտի համբերէք, Աստուած ձեզի հետ որպէս թէ որդիներու հետ կը

38666-67



վարուի . քանզի ո՞ր որդին է ան՝ որ հայրը չպատ-  
ժեր զանիկա :” Անոնց բոլոր փորձութեանց մէջ  
կը մխիթարէ զանոնք : “Ինչպէս որ հայր մը կը  
գլխացի իր որդւոցը վրայ , այսպէս ալ Տէրը կը  
գլխացի իրմէ վախճողներուն վրայ :” “Ինչպէս որ  
մէկ մայր մը իր տղան կը մխիթարէ , այնպէս  
ալ ես ձեզ պիտի մխիթարեմ :” Հիւանդու-  
թիւնք , աղքատութիւնք , զրկանք , և անոնց  
բոլոր նեղութիւնները կը զրկուին անոնց օգ-  
տին համար : “Ամէն բաները բարիի գործա-  
կից կ’ըլլան անոնց որ Աստուած կը սիրեն :”  
“Տէրը փնտռողներուն բարութիւն մը պակաս  
պիտի չըլլայ :” “Բեզի դէմ շինուած գործի-  
քը ամենեւին պիտի չյաշտօղի :” Ամէն դժուա-  
րութեան և վտանգի մէջ անոնց Հայրը անոնց  
քողմ է : “Մի վախնար , վասն զի ես քեզ  
փրկեցի , քեզ քու անունովդ կանչեցի . դուն  
իմս ես : Երբոր ջուրերէն անցնիս՝ ես քեզի  
հետ պիտի ըլլամ , ու երբոր գետերէն անց-  
նիս՝ քեզ պիտի չկոխեն :” “Բեզ պիտի չթո-  
ղում ու քեզ անտես պիտի չընեմ :” Անոնք  
կրնան պատմել իրենց Հօրը իրենց բոլոր կա-  
րօտութիւնները : “Ամէն բանի մէջ . . . ձեր  
խնդրուածքը Աստուծոյ յայտնի ըլլայ :” Աս-  
տուծոյ ականջները միշտ բաց են լսել անոնց  
աղաղակին , և անոր ձեռքը միշտ երկնցած է  
անոնց բարիք ընելու համար : Հօր մը պէս կը  
պատրաստէ անոնց ժառանգութիւն մը , բայց

անմահ երկրաւոր ժառանգութեանց՝ այն ժա-  
ռանգութիւնն է “անեղծ ու անարատ և ան-  
թաւամ :” Ո՛հ , ի՞նչ երանութիւն՝ ըլլալ զա-  
ւակ Աստուծոյ : Զգալ՝ “Աստուած իմ Հայրս  
է : Նա կը սիրէ զիս , կը գլխացի իմ վրաս , կը  
ներէ ինձ և կը պահէ զիս : Եւ ապահով եմ  
ամէն չարիքէ : Զար մարդիկ , չար ոգիները  
չեն կրնար փնտռել զիս : Աստուած է իմ ա-  
պաստանարանս , միշտ մօտ ինձ , բնաւ չմո-  
ւիւնի : Բնաւ չյողնիր , բնաւ չմոռնար , և բնաւ  
պիտի չփոխուի : Կ’ըսէ նա , “Բեզ յաւիտեանա-  
կան սիրով սիրեցի :” Նա միշտ իմ քովս պիտի  
ըլլայ մինչ կը ճամբորդեմ հոս , և ի վերջոյ պի-  
տի առնուլ զիս բնակել անոր հետ իւր պալա-  
տին մէջ յաւիտեան :” Երկրաւոր ի՞նչ մեծու-  
թիւն կը հաւասարի ասոր : Ընթերցող , կ’ու-  
զե՞ս ըլլալ զաւակ Աստուծոյ : Կրնաս ըլլալ ե-  
թէ գաս Յիսուսի , վասն զի “որոնք որ զինքը  
ընդունեցին ,” այսինքն՝ եկան անոր , “անոնց  
իշխանութիւն տուաւ Աստուծոյ որդիներ ըլ-  
լալու :”

Տես Սաղ . ԴԱ . , Յովհ . Ա . 12 , 13 , Հռովմ .  
Ը . 14—17 , Բ Կոր . Զ . 17 , 18 , Եբր . ԺԲ . 5—  
12 , Ա Յովհ . Գ . 1 , 2 :

ԵԿՈՒՐ ՈՐ ԵՐԿԻՆՔ ՄՏՆԵՍ

Ինչպէս որ պատժոյ տեղ մը կայ չարերուն  
համար , նոյնպէս նաև փառաց երկինք մը կայ

այն ամենուն համար որ կու գան օրհուսի : Աստուած իւր մեծ սիրովն առ մեղաւորս՝ զրկեց իւր Որդին ոչ միայն զանոնք ազատելու համար դժոխքէն , բայց նաև երջանիկ ընելու համար և փառաւորելու համար իրեն հետ յաւիտեան : Երբ հաւատացեալը կը մեռնի , թէպէտ կը փախնոր մարմինը , հոգին անմիջապէս կ'երթայ օրհուսի քով , որ « շատ աւելի աղէկ է : » Ի՞նչպէս զմայլելի է Սուրբ Գրոց ըրած նկարագրութիւնը երկնից վրայ : Կը կարգանք թէ հոն բնաւ չմտնեմ հիւանդութիւն , վիշտ , և մահ : Թէ հոն բնաւ ծանօթ չէ աղքատութիւն , զրկում , տմարդութիւն և յոյսն ի դերև ելլել : Մարմինը որ պիտի ելլէ դերեղմանէն , պիտի ըլլայ « անապական » բնաւ պիտի չքաշէ ցաւ , յոգնութիւն , և բնաւ ենթակայ պիտի չըլլայ փտութեան : Ծերութիւնը բնաւ պիտի չբերէ տկարութիւն , վասն զի հոն պիտի ըլլայ մշտնջենաւոր երիտասարդութիւն , և մահը բնաւ պիտի չյափշտակէ մենէ մեր սիրելիները , վասն զի նոյն իսկ մահը պիտի մեռնի : Եւ որ աւելի լաւագոյն է , այլևս պիտի չկենայ մեղք , բայց ամէն սիրտեր պիտի լեցուն սուրբ սիրով առ Աստուած և առ միմեանս : Իւրաքանչիւր ոք պիտի ուրախանայ այլոց ընկերութեամբ և երջանկութեամբ , և Աստուած ինքն պիտի բնակի անոնց մէջ : Հոն պիտի ըլլան

նախնի դարուց բոլոր բարի մարդիկ , այսինքն՝ մարտիրոսք , առաքեալք և մարգարէք : Պիտի վայելենք նաև ընկերութիւնը հրեշտակաց և հրեշտակապետաց , առաւել քան զամենայն պիտի տեսնենք զօրհուս իւր փառաւոր մարդկային մարմնով , պիտի տեսնենք անոր երեսը , և « յաւիտեան Տէրովը հետ պիտի ըլլանք : » Յուցնելու համար թէ երկինքն ինչպէս փառաւոր է , կը նմանցուի քաղաքի մը որուն փողոցներն են ոսկի , դռները՝ մարգարիտ , և պարիսպները՝ յասպիս և զմրուխտ : Կը նմանցուի դրախտի մը՝ որ ունի ակնվանիի պէս պայծառ գետ , և կենաց ծառը՝ բժշկութիւն ընող տերեւներով : Կը նմանցուի հանգստեան տեղոյ մը՝ աշխատութենէ ետքը : Կը նմանցուի հօր մը տան , և երջանիկ բնակարանի : « Մնոնք ցնծութիւն և ուրախութիւն պիտի ստանան , և տրտմութիւնը ու հեծութիւնը անոնցմէ պիտի հեռանայ : Մնոնք գլխուն վրայ յաւիտենական ուրախութիւն պիտի ըլլայ : Երեսիդ առջին լեցուն ուրախութիւն կայ . քու աջ կողմդ միշտ հաճութիւններ կան : » Երկրիս ամենէն լաւ ուրախութիւնները կ'անցնին շուտով : Հարստութիւնը կը թռչի , առողջութիւնը կ'աւրի , բարեկամք կը մեռնին , մահ գրուած է ամէն բանի վրայ : Բայց երկնից ուրախութիւնը անվախճան են : Ընթերցող , այս երկինքը կրնայ ըլլալ քուկդ : Օրհուս կը կե-

նայ դրան քով, բայց լայն բացած է զայն բո-  
լոր մեղաւորաց համար որպէս զի ներս միտ-  
նեն: Եթէ չես կամիր գալ Յիսուսի, չես կրնար  
մտնել երկինք. վասն զի Յիսուս է դուռը,  
մի միայն դուռը: Բայց նա կը հրաւիրէ քեզ  
որ գաս: Այո, թէպէտ մեղաւոր ես դուն և  
անարժան, երկինքը քուկդ կրնայ ըլլալ և  
պիտի ըլլայ, եթէ գաս Յիսուսի: «Աս փրկու-  
թեան խօսքը ձեզի խրկուեցաւ:» Ո՛հ, ուրեմն,  
երկնային օրհնութիւնը ժառանգելու համար  
եկո՛ւր Յիսուսի:

Տես Յովհ. ԺԴ. 1—6, Ա. Կոր. ԺԵ. , Բ. Կոր.  
Դ. 17, 18, Ե. 1—4, Յայտ. ԳԼ. ԻԱ. , ԻԲ. :

#### Ո՞Վ Է ՅԻՍՈՒՍ

Այս է ամենէն կարեւոր հարցումը. վասն զի  
ոչ ոք կրնայ ըստ արժանւոյն հասկնալ «Յի-  
սուսի եկուր» հրաւերին պատուականութիւնը  
առանց ուղիղ գիտութիւն ունենալու թէ ո՞վ  
է Յիսուս: Շատ բան կախեալ է պատասխա-  
նէն զոր կու տանք սա հարցման. «Քրիստոսի  
վրայով ի՞նչ կարծիք ունիք:»

#### ՅԻՍՈՒՍ ԱՍՏՈՒԱԾ Է

Երկրի վրայ երևելէն առաջ ի յաւիտենից  
ունէր Աստուածութեան բոլոր կատարելու-  
թիւնները: Ինչպէս որ Հայրն է Աստուած,  
նմանապէս Յիսուս է Աստուած: Այս է մեծ

գաղտնիք մը, բայց է նաև մեծ ճշմարտու-  
թիւն: Սուրբ Գիրքը յայտնապէս կ'ըսէ զայն:  
Յիսուս կը կոչուի «Բան», և Սուրբն Յովհան-  
նէս կ'ըսէ, «Սկիզբէն էր Բանը, ու Բանը Աս-  
տուծոյ քովն էր, և Բանը Աստուած էր: Ամէն  
բան անով եղաւ, և առանց անոր բան մը չե-  
ղաւ ինչ որ եղաւ:» Նաև, «Բանը մարմին ե-  
ղաւ ու մեր մէջը բնակեցաւ:» Յիսուս խօսե-  
լով իւր վրայ, ըսաւ, «Աբրահամին ըլլալէն  
առաջ եմ ես:» Կ'ականարկէր այս խօսքով այն  
փառքը որ աշխարհի ըլլալէն առաջ ու-  
նէր Հօրը քով. և ըսաւ, «Ես ու Հայրը մէկ  
ենք:» Կը կարդանք թէ «անիկա [Յիսուս] իր  
[Հօր Աստուծոյ] փառացը լոյսն է,» և «անե-  
րևոյթ Աստուծոյ պատկերը,» թէ «Աստուած  
մարմնով յայտնուեցաւ,» թէ «Յիսուս Քրիս-  
տոս նոյն է երէկ ու այսօր և յաւիտեանս,» և  
թէ «անոր մէջը կը բնակի Աստուածութեան  
բոլոր լեցունութիւնը՝ մարմնապէս:»

Վասն որոյ Յիսուս Աստուած է, և կատար-  
եալ է զօրութեամբ, իմաստութեամբ և բա-  
րութեամբ: Չկայ բան մը զոր կարող չըլլայ  
ընել. և որովհետև բնաւ չկրնար փոխուիլ,  
չըլլար անհաւատարիմ իւր խոստմանց: Արդ,  
խեղճ մեղաւոր, այս է ճիշդ այնպիսի փրկիչ  
մը որուն կարօտ ես: Եթէ պէտք ունենայիր  
պաշտպանի մը մեծ վտանգի մը դէմ, պիտի  
դիմէիր այնպիսի մէկու մը որ զօրաւոր է: Եւ

ո՞վ է այնպէս զօրաւոր ինչպէս Յիսուս : Ամէն ինչ որ Աստուած կրնայ ընել, Յիսուս կրնայ ընել : Չկան դժուարութիւնք, վտանգներ, կամ թշնամիներ զորս կարող չըլլայ յաղթել քու կողմանէդ : Ինչ և ըլլայ քու տկարութիւնդ, Յիսուսի զօրութիւնն է ամենաբաւական : Չէ տկար մարդ մը, և ոչ իսկ հրեշտակ որուն կ'ապաւինիս : Այն է էակ մը յանհունս բարձր քան բոլոր ստեղծուած էակները, — մեծ Աստուածն է այն, կարող փրկելու : Մենք պատճառ կ'ունենայինք վախնալու, եթէ ստորին էակ մը ըլլար մեր փրկիչը : Բայց կրնանք բոլորովին ապահով ըլլալ երբ ձեռք կը զարնէ զմեզ փրկել նա որ Տէր է երկնի և երկրի : Ո՞վ կարող է քննադատել մեզ եթէ նա կը խոստանայ փրկել զմեզ : «Թէ որ Աստուած մեր կողմն է ո՞վ պիտի ըլլայ մեզի հակառակ :» Անոր զօրութիւնը, իմաստութիւնը, սրբութիւնը, և բարութիւնը, ամէնքը կը դորժածունին մեզի համար այն ինչ երբ կու գանք Յիսուսի : Քանի որ ունինք այսպիսի փրկիչ մը քեզիս, կորսուիլ : «Բոլորովին կարող է ապրեցունելու :»

Տես Յովհ. Ա. 1—3, 14, Բ. 58, Ժ. 30, Ժ. 5, Կող. Ա. 14—20, Բ. 9, Ա. Տիմ. Գ. 16, Եբբ. Ա., Է. 23—28, ԺԳ. 8 :

#### ՅԻՍՈՒՍ ՄԱՐԴ Է

Յիսուսի մարդ ըլլալն այնպէս ճշմարիտ է ինչպէս անոր Աստուած ըլլալը : Աստուած ա-

նանկ սիրեց աշխարհը մինչև որ իր միածին Որդին տուաւ : Եւ Յիսուս, թէպէտ «Աստուծոյ հաւասար» է, «ծառայի կերպարանք առնելով՝ մարդոց նման ըլլալով, կերպարանքովը մարդու պէս» գտնուեցաւ : Անոր համար գուշակուեցաւ թէ «վտայ տէր» պիտի ըլլար, և նա յաճախ կը կոչէ զինք «Որդի մարդոյ :» Ինք մարդ եղաւ որպէս զի հնազանդէր այն օրէնքին զոր կոտորած էինք, և կրէր պատիժը՝ որուն արժանի էինք : Որովհետեւ ոչ ոք կրնայ տեսնել զԱստուած, նա բնակեցաւ մեր մէջ իբրեւ մարդ, որպէս զի անոր հոգին և վարքը տեսնելով յստակ գաղափար մը ունենայինք թէ ինչ է Աստուած : Այսպէս ըսաւ. «Ան որ զիս տեսաւ՝ Հայրը տեսաւ :» Եւ եղաւ մարդ, որպէս զի կրելով մեր կրած նեղութիւնները՝ վստահութիւն զգանք թէ նա կրնայ կարեկից ըլլալ մեզի : Այսպէս կը կարգանք. «Ինչ բանով որ ինքը չարչարուեցաւ փորձութիւն կրելով, կրնայ փորձանաւորնել որուն ալ օգնական ըլլալ :» նաև, «Չէ թէ առանկ քահանայապետ մը ունինք՝ որ կարող չըլլայ մեր տկարութիւններուն կարեկից ըլլալու, հապա ինքը ամէն կերպով փորձը առած է մեզի նման :»

Վասն որոյ խորհէ Յիսուսի վրայ իբրեւ հաշիւ վրայ : Ահա կը տեսնուի ննջեցեալի յուզարկաւորութիւն մը : Ննջեցեալն է որբեւորի

մը միամօր որդին, և մայրը կ'երթայ դադաղին ետեւէն՝ վշտացեալ սրտով: Ո՞վ է այն որ կրտեսնէ այդ որբեւարին հեռուանց, կը գլխայ անոր վրայ, կ'երթայ մեռելին քով, կը յարուցանէ զնա, և որդին կը յանձնէ մօրը: Այդ սիրով լի բայց կարող մարդն է Յիսուս: Ո՞վ է այն որ կը կենայ մանր տղայոց բազմութեան մէջ, և կ'առնու զանոնք քաղցրութեամբ իւր բազկաց մէջ օրհնելու համար: Յիսուս: Ո՞վ է այն որ կուլայ Ղազարիոսի գերեզմանին քով: Յիսուս: Ո՞վ է այն, որուն ետեւէն կ'երթան բոլոր հիւանդները և աղքատները և վշտացեալները, և կը բժշկէ և կը միտնարէ զանոնք բոլորը, ոչ զոք մերժելով: Յիսուս: Յիսուս տալաւ ինչն է, սիրով լի, քաղցր, և կարեկից հարս մը: Պէտք չէ որ վախճան անկէ, նա է հարս, և քու եղբայր: Նա է որ կ'ըսէ քեզ, «Եկուր ինծի:» Մտիկ ըրէ անոր ձայնը, ով մեղաւոր: Նա է հզօր Աստուածը, և կարող է փրկել զքեզ, բայց է նաև «վշտաց տէր», և լի կարեկցութեամբ և սիրով: Գիտէ քու բոլոր տկարութիւններդ և երկիւղներդ, կը զգայ զանոնք և կը գլխայ քու չափ: Կը հրամայէ քեզի որ չվախնաս: Իբրև մարդկային եղբայր մը կը կենայ անճառելի սիրոյ դէմքով և կ'ըսէ, «Եկուր ինծի, եկուր ինծի:» Ոհ, անտարբեր մի ըլլար այսպիսի սիրելի բարեկամի մը: Լսէ անոր: Թող քու սիրտդ չարժի անոր քաղցրութենէն: Վստահէ

անոր խոստմանց: Եկուր Յիսուսի խնդին: Ապաւինէ անոր իբրև քու փրկիչդ, և հնազանդեղիր անոր իբրև թագաւորիդ, և նա պիտի ըլլայ քեզի «եղբօրմէ աւելի հաստատ բարեկամ:»

Կարդա Ես: ԾԳ., Մատթ. ԻԶ., ԻԷ., Ղուկ. Է. 11—15, Յովհ. Գ. 16, 17, ԺԴ. 9, Փիլիպ. Բ. 5—11, Եբր. Բ. 17, 18:

#### ՅԻՍՈՒՍ Է ՄԵՂԱԽՈՐԱՑ ՓՐԿԻՉԸ

«Աս խօսքը հաւատարիմ է՝ ու բոլորովին ընդունելութեան արժանի. որ փրկիստոս Յիսուս աշխարհք եկաւ մեղաւորները փրկելու:»  
«Անիկա Աստուած իր աջ ձեռքովը Առաջնորդու փրկիչ ըլլալու բարձրացուց:» Միայն այս էր շարժառիթ անոր մեր չար աշխարհը դալուն: Եւ ի՞նչպէս կը փրկէ նա: Կենալով մեր տեղը և կրելով պատիժը որուն մենք էինք արժանի: Մենք կոտորած ենք օրէնքը, բայց նա կատարելապէս պահած է զայն. վասն զի նա է «սուրբ, անմեղ, անարատ, մեղաւորներէն զատուած:» Մենք մահուան արժանի էինք մեր մեղաց համար: «Ան անձը որ մեղք կը գործէ՝ անիկա պիտի մեռնի:» Բայց Յիսուս մեռաւ մեր տեղը: «Իր կեանքը շատերուն համար փրկանք տուաւ:» Մենք անէծքի տակ էինք: «Անիծեալ ըլլայ ամէն մարդ՝ որ չկենար օրինաց գրքին բոլոր գրուածներուն

մէջ որ զանոնք կատարէ՝” Բայց Յիսուս “մեղի համար անէծք եղաւ” “Մնիկա մեր մեղքերուն համար վիրաւորուեցաւ, և մեր անօրէնութիւններուն համար ծեծուեցաւ. և անոր վէրքերովը մենք բժշկուեցանք” “Մեր մեղքերը իր մարմնովը խաչափայտին վրայ վերցուց” Ս.յս էր պատճառը թէ ինչու համար Յիսուս եղաւ մարդ, ինչու համար “մարդոցմէ անարդուեցաւ, ու երեսէ ձգուեցաւ. վշտաց տէր ու ցաւոց տեղեակ եղաւ,” “մեր ցաւերը վերցուց” Ս.յս էր պատճառը թէ ինչու համար փորձութիւն կրեց, տաղնապեցաւ Գեթսեմանիի մէջ, իւր տաղնապներուն մէջ իւր քրտինքը արիւնի մեծ կաթիլներու պէս էր,” ծեծուեցաւ, թքնուեցաւ, փուշերէ պսակ դրուեցաւ գլուխը, և դամուեցաւ խաչին վըրայ։ “Իր անձը ամենուն տեղը փրկանք տրւաւ” Մենք գերիներ էինք, և նա եկաւ որ աղատագրէ զմեզ։ Բայց զինք զոր վճարեց՝ էր բուն իսկ իւր արիւնը։ “Փրկուեցաք Գրիստոսի պատուական արիւնովը” Բանտարկեալ էինք և մահուան դատապարտուած, բայց նա թողուց իւր Հօրը աթոռը և եկաւ կանգնեցաւ մեր քովը, և ըսաւ. “Ես պիտի մեռնիմ անոնց տեղը որպէս զի անոնք թողութիւն ընդունին իրենց մեղաց և ապրին յաւիտեան” Եւ հիմա որ դարձած է վերստին երկինքը իւր փառաց, կ’ապրի զմեզ փրկելու համար։ Կը

հսկէ մեր վրայ, կը խօսի մեզի իւր խօսքով և իւր Հոգւով, կը լսէ մեր աղօթից, կը ջատագովէ զմեզ, կ’օգնէ մեզի մեր տկարութեանց մէջ, և “միշտ կենդանի է մեզի համար բարեխօս ըլլալու” Յիսուս կը փրկէ զմեզ այսպէս իւր թէ՛ մահուամբ և թէ՛ կեանքով։ Վճարած է մեր բոլոր պարտքերը, և պատրաստ է լեցունել մեր բոլոր կարօտութիւնները։ Մահուան խայթոցէն կ’ազատէ զանոնք որ կ’ապաւինին անոր, և դատապարտութենէ կը փրկէ դատաստանին օրը։ Մենք պարտիմք երևնալ Դատաւորին առջեւ իբրեւ դատապարտելի մեղաւորներ. բայց եթէ կրնանք ըսել, “Ես կ’ապաւինիմ Յիսուսի որ մեռաւ ինծի համար,” նա իսկոյն պիտի յայտարարէ թէ կատարելապէս ներուած են մեր մեղքերը և մենք փրկուած ենք։ Ընթերցող, Յիսուս կ’ըսէ քեզի. “Եղկելի՛ մեղաւոր, դուն դժուար երթալու վտանգին մէջ ես, բայց ես ստացայ քեզի համար ձրի թողութիւն, զոր գնեցի իմ արեամբս։ Ես մեռայ քու տեղդ։ Կարող եմ փրկել զքեզ։ Եկուր ինծի”

Տես Ես. ԾԳ., Գործ. Ժ. 34—43, ԺԳ. 16—41, Հռովմ. Ե., Գաղ. Գ. 13, Ա Տիմ. Ա. 15, Եբր. Թ. 11—28, Ա Պետ. Ա. 18, 19, Բ. 24։

ՅԻՍՈՒՍ Է ՄԻ ՄԻԱՅՆ ՓՐԿԻՉ

Յիսուս ըսաւ, «Դս եմ ճամբան. մէկը Հօրը քով չգար, եթէ ոչ ԻնքՄով:» Մենք Աստուծոյ թողութիւն կրնանք ընդունել Յիսուսի գալով միայն: Աստուծոյ բոլոր ողորմութիւնն առ մեղաւորս, դրուած է քրիստոսի ձեռքը, և մէկը չկրնար ընդունել թողութիւն բայց եթէ անոր ձեռքէն: Կան ոմանք որ զանց կ'ընեն գալ Յիսուսի և տակաւին կը յուսան Աստուծոյ ողորմութեանը: Բայց եթէ անոնք կը մերժեն զՅիսուս, կը մերժեն ողորմութիւնը: Աստուած անոնց պիտի ըլլայ բարկացող Դատաւոր մը միայն, «մաշող կրակ:» Բուն մեր բարի գործքերը չեն կրնար փրկել զմեզ: Մեր լաւագոյն գործքերն անգամ են մեղանշական. և թէպէտ ըլլային կատարեալ, չէին կրնար քաւել անցեալ ժամանակին մէջ գործուած մեղքերը: Սուրբն Պօղոս կ'ըսէ. «Օրէնքին գործքերէն մէկ մարմին մը պիտի չարդարանայ:» Եթէ կարող ըլլայինք երկինք մտնել բուն մեր արժանեօք, ինչո՞ւ համար ուրեմն մեռնէր քրիստոս: Այն ատեն մենք կրնայինք զմեզ փրկել: Ո՛հ, մի վստահիր քու գործերուդ, քու բարի յատկութեանցդ, քու ուղղութեանդ և ողորմութեան գործերուդ, Բաց ի Յիսուսի արդարութենէն և մահէն ուրիշ և ոչ բան մը չկրնար փրկել զոք: Ոմանք կը խորհին թէ ու

րովհետեւ մկրտուած են և կը հաղորդուին, ուրովհետեւ կը կարդան Աստուածաշունչը, կը պահեն հանգստութեան օրը և եկեղեցի կ'երթան, պիտի փրկուին: Հազարաւորներ ըրած են այս բաները, բայց բնաւ եկած չըլլալով Յիսուսի, հիմա դժոխքն են: Չկրնար փրկել զմարդ ոչ եկեղեցւոյ խորհուրդը, ոչ արարողութիւնը, ոչ հաւատոյ դաւանութիւնը, և ոչ եկեղեցին: Ոչ բան մը բայց միայն Յիսուս կրնայ փրկել: Կան ոմանք որ կ'ապաւինին իրենց քահանաներուն: Յաւալի՜ սխալ: Եղկելի մարդը, քահանան, ինք իրեն համար կարօտ է Փրկչի մը: Ինք չկրնար փրկել իւր հոգին, ուր կը մնայ քուկդ: Ոչ ոք բայց միայն Յիսուս կրնայ տալ արձակում մեզաց: Յիսուսի արիւնը միայն կը սրբէ մեղքէն: Կան ոմանք որ աղօթք կ'ընեն սուրբերուն, հրեշտակներուն, և Կոյս Մարիամին. բայց ո՞վ կրնայ ըսել թէ ասոնք կրնան լսել իրենց կանչողներուն, և եթէ կրնան լսել, կրնա՞ն փրկել հոգին: Սուրբ Գիրք կ'ըսէ մեզ պարզ խօսքով. «Մէկ Աստուած մը կայ, ու մէկ միջնորդ մը Աստուծոյ ու մարդոց մէջը՝ քրիստոս Յիսուս մարդը:» «Եւ ուրիշ մէկով մը փրկութիւն չկայ. ինչու որ անկէ ի գառ ուրիշ անուն մը չկայ երկինքին տակը մարդոց մէջ տրուած, որ անով կարող ըլլանք փրկուել:» Ուրեմն ուրիշ մէկու մը մի նայիր: Միայն Յիսուսի ապաւինէ:

Նստած է նա ողորմութեան աթոռին վրայ, և կը հրաւիրէ բոլոր խեղճ մեղաւորները որ գան անմիջապէս իւր քով: Միայն Յիսուս կրնայ տալ թողութիւն մեղաց: Ընդէ՞ր ուրեմն կենաս, կանչես քեզ մեղսակից մարդոց, կամ մինչև անգամ հրեշտակաց, քանի որ բացի Յիսուսէ մէկ էակ մը չկրնար օգնել քեզի: Պէտք չունիս մէկու մը որ քեզ անոր ներկայացունէ: Մուրացիկը և իշխանը, սեամորթը և սպիտակամորթը, տգէտը և գիտունը, ցնցոտիներ հագնողը և մետաքս հագնողը հաւասարապէս կ'ընդունուին Յիսուսէ սիրով: Ամէնքն ալ հրաւիրուած են: Կը մեղանչես եթէ օգնութեան համար կը նայիս որ և իցէ ուրիշ կողմ: Վասն զի կ'ըսէ Նա, «Ո՛վ երկրիս բոլոր ծայրերը՝ ինծի նայեցէք, որ փրկուիք»: Մի նայիք մարդու, մի նայիք ձեր անձերուն, նայեցէք Յիսուսի՝ միայն, վասն զի նա միայն կարող է փրկել:

Տես Գործ. Գ. 8—12, Հռովմ. Գ. 20—28, Գաղ. Բ. 16, Փիլիպ. Գ. 9, Ա Տիմ. Բ. 5, 6:

### ՅԻՍՈՒՍ Է ՍԻՐՈՂ ՓՐԿԻՉ

Թէ Յիսուս է սիրող Փրկիչ, ասոր չկրնար աւելի զօրաւոր ապացոյց ըլլալ քան զայս որ իջաւ երկինքէն չարչարուելու և մեռնելու համար: Ահա բուն իսկ անոր խօսքերը. «Ասկէ աւելի մեծ սէր մէկը չկրնար ունենալ, որ մէկը իր

կեանքը բարեկամներուն համար դնէ:» Ինչո՞ւ համար թողուց Յիսուս սուրբ երկինքը և եկաւ այս մեղաւոր աշխարհը, հրեշտակաց երգերը՝ և եկաւ ենթակայ ըլլալ դիւաց փորձութիւններուն, փառաց աթոռը՝ և եկաւ չարչարուիլ խաչին վրայ: Սէրը և միայն սէրը ընել տուաւ անոր այսպէս: Սէր՝ ոչ առ բարեկամս, այլ առ թշնամիս: «Երբ դեռ մեղաւոր էինք, ֆրիստոս մեզի համար մեռաւ:» Յուցուց իւր քաղցր սէրը հազարաւոր կերպերով երբ էր աշխարհի մէջ, պտըտեցաւ բարիք ընելով, բժշկեց ամէն տեսակ հիւանդութիւնները, բնաւ երես չդարձունելով խղճալինքէն և վշտացեալներէն, միշտ «բարեկամ մեղաւորաց»: Ի՞նչպէս լացաւ Երուսաղեմի վրայ, մինչ կը մտածէր անոր մեղաց և մօտալուտ թշուառութեանց վրայով: Մինչ կը գտնուէր մահուան տագնապներուն մէջ, ի՞նչպէս քաղցրութեամբ խօսեցաւ իւր հետ խաչուած ապաշխարող աւաղակին հետ, և ի՞նչպէս եռանդով աղօթեց զինք ծաղրող սպանչաց համար, ըսելով, «Հայր, թողութիւն տուր ատենց, ինչու որ չեն գիտեր ինչ կ'ընեն»: Դիւրաւ կրնար կանչել հրեշտակաց բանակ մը ազատելու զինք. բայց եթէ մեռած չըլլար, մենք չէինք կրնար փրկուիլ, և վասն որոյ որովհետեւ սիրեց զմեզ, խմեց դառն բաժակը մինչև մըրուրը: Եւ հիմա որ յարութիւն առած է, ա-

նոր սէրն առ մեղաւորս ճիշդ նոյնչափ մեծ է: Սէրը կը ստիպէ զնա միջնորդել մեզի համար, գթալ մեր վրայ, զրկել իւր Հոգին՝ օգնել մեզ, սպասել որ տայ մեզ իւր շնորհքը և փրկել զմեզ: Կը սիրէ զքեզ, մեռաւ քեզի համար, գթով վար կը նայի քու վրադ, կը կոչէ զքեզ որ գաս իրեն: Սնոր սէրն է որ խնայեց քեզի մինչև այսօր՝ թէպէտ մերժեցիր զնա: Սնոր սէրն է որ կը համբերէ մեղացդ, և դարձեալ այս վայրկենին կ'աղաչէ քեզ որ ընդունիս քեզի համար իւր արեամբ զնաժ թողութիւնը մեղաց: Եթէ բարեկամներէդ մին տար իւր ստացուածքը քեզ բանտէ ազատելու համար, կը մոռնայիր զնա: Բայց Յիսուս քան զայս շատ մը աւելի բան ըրած է: Մեռաւ փրկելու համար քեզ յաւիտեանական թշուառութենէ, և ընելու համար յաւիտեան երջանիկ՝ երկինքին մէջ: Կու գայ քեզի, և ցուցնելով իւր վէրքերուն նշանները, կ'ըսէ, «Տես, մեղաւոր, թէ ո՛րչափ կը սիրեմ քեզ: Տակաւին կը սիրեմ քեզ: Եկուր ինձի, որ փրկեմ քեզ մեղքէն և դժոխքէն:» Ո՛հ, մի՛ մերժեր այսպիսի քաղցր Փրկիչ մը: Մի կոխկըռտեր ոտքիդ տակը այսպիսի զարմանալի սէր մը: Բնաւ պիտի չպատահիս այսպիսի ուրիշ բարեկամի մը: Վստահէ անոր: Սիրէ զնա: Միշտ պիտի գտնես զայն լեցուն գթութեամբ

և գորովով: Պիտի մխիթարէ, առաջնորդէ, պաշտպանէ և փրկէ քեզ կենաց բոլոր վտանգներուն և վշտաց մէջ. պիտի աղատէ քեզմահ ուան խայթոցէն, և յետոյ երջանիկ պիտի ընէ քեզ երկնից մէջ յաւիտեան: Ո՛հ, եկուր այս սիրող Փրկիչին:

Տես Դուկ. ԺԹ. 41—44, ԻԳ. 33—43, Յովհ. Ժ. 1—30, ԺԵ. 12—15, Հռովմ. Ե. 6—8, Եփես. Գ. 17—19:

#### ՅԻՍՈՒՍ ՊԻՏԻ ԸԼԼԱՅ ՄԵՐ ԴԱՏԱԻՈՐԸ

«Ամէնքս ալ Գրիստոսի ատեանին առջևը պիտի կայնինք:» Վշտաց տէրը պիտի գայ դարձեալ իբրև Փառաց Աստուած, «և անոր առջևը պիտի ժողվուին բոլոր ազգերը:» «Ահա ամսկերով կու գայ. ու ամէն աչք պիտի տեսնէ անիկա, և անոնք որ զանիկա խոցեցին:» Ի՞նչպէս խրախուսիչ է այս ի Գրիստոս հաւատացելոց: Նա է ճիշդ այն անձը զոր պիտի ուղէին անոնք ընտրել իրենց համար, և երբ տեսնեն զնա աթոռին վրայ, պիտի ուրախանան, վասն զի անոնց լաւագոյն բարեկամը որ խոստացած է փրկել զանոնք, պիտի ըլլայ անոնց դատաւորը, և վասն որոյ ապահով պիտի զգան զիրենք: Բայց ի՞նչպէս ահաւոր է անոնց համար որ մերժած են զնա: Ի՞նչպէս սարսափելի է անոր յանդիմանական նայուածքը դէպ անոնք որ խոցեցին զնա իրենց մե-

ղանչական զանցառութեամբ : Ի՞նչպէս սոսկալի է լսել հիմա « Եկէք ինձի , » ըսող ձայնին անոնց « Մէկդի գացէք , անիծեալներ , » ըսելը :

Դիցուք թէ բանտարկեալ մը շուտով պիտի դատուի ոճրի մը համար , որուն պատճառաւ պիտի կորսնցունէ իւր կեանքը : Դիցուք թէ անոր այցելութեան երթայ խոնարհ կերպաւորանքով բայց մեծ սէր ցուցնող մարդ մը , որուն սիրտը կը դալարի բանտարկելոյն վրայ ունեցած գլխութենէն : Շատ աշխատած է ոճրագործին աղատման համար այս դատաստանին մէջ : Կը պատմէ բանտարկեալին թէ ինք ի՞նչ բրած է անոր համար , և կը հաւատէ թէ կրնայ վստահել իրեն և ապահով ըլլալ : Կ'ապահովցունէ զնա թէ ինք բոլորովին կարող է ազատ արձակել տալ զնա և կամ թողուլ թիւն ձեռք բերել անոր համար , միայն եթէ բանտարկեալը ուզէ որ նա ընէ այս բաները : Կ'ըսէ բանտարկեալին . « Կ'աղաչեմ , թողտուր ինձ գալ դատարանը , և խօսել ինչպստ քեզի : Թոյլ տուր ինձ պաշտպանել քու դատդ : Աղատեցի շատ բանտարկեալներ որոց վիճակը քու վիճակիդ պէս գէշ էր : Ես կրնամ աղատել քեզ : Չեմ պահանջեր քենէ վարձք մը : Սէրն է միայն որ կը մղէ զիս ընել զայս : Հաւանութիւնդ տուր որ օգնեմ քեզի : » Բայց բանտարկեալը , կը խօսի ասոր անոր հետ կամ կը քնանայ , և ականջ չկախեր անգամ այս խր

բարեկամին : Սա կու գայ կրկին և կրկին , և բանտարկեալը չսիրեր անոր դալը , և իւր ընթացքով կ'իմացունէ անոր որ չգայ ձանձրացունէ զնա : Կու գայ դատաստանին օրը , բանտարկեալը կը բերուի դատարանը : Կրնայ ի դատաւորին վրայ , անոր պաշտօնական հանդերձներուն վրայ , և կը տեսնէ որ այն է իւր անարգած բարեկամը որ իրեն քով կու գար բանտը : Բայց հիմա անոր դէմքն է լուրջ և ձայնը՝ խիստ : Այն որ մերժուած էր իբրեւ բարեկամ , հիմա կ'երևի իբրեւ դատաւոր միայն : Մեղաւոր , այն որ իբրեւ Դատաւոր պիտի նստի աթոռ վերջին օրը , հիմա կու գայ քեզի բանտին մէջ , և կ'առաջարկէ ըլլալ քու փրկիչդ : Յօժար է պաշտպանել դատդ , և կը խոստանայ քեզի ձրի և կատարեալ աղատութիւն դատաստանին օրը : Մի մերժեր զնա , վասն զի շուտով պիտի ներկայանաս անոր ատեանին առջևը : Ապաւինէ անոր իբրեւ քու փաստաբանիդ , եթէ չես ուզեր դողալ անոր առջև իբրեւ քու Դատաւորիդ առջև : Ընդունէ անոր հրաւերը եթէ չես ուզեր լսել անոր քեզի գէմ դատապարտութեան վճիռ տալը : Սիրով ընդունէ զնա քու սրտիդ մէջ որպէս զի նա ընդունի զքեզ սիրով այն ատեն իւր թագաւորութեան մէջ :

Տես Մատթ . Ի . 34—46 , Բ Կոր . Ե . 10 , Ա Թես . Դ . 16—18 , Հովով . Ա . 7 :

ՈՒՐ Է ՅԻՍՈՒՍ

«Երանի՜ թէ կարող ըլլայի դտնել զանիկա, մինչև անոր աթոռը կ'երթայի», կ'ըսէր Յոբ։ Դ՞ո՞ւն ալ այսպէս կ'ըսես, խեղճ մեղաւոր։ Կ'անձկա՞ս գիտնալ թէ ո՛ւր կրնաս գտնել զՅիսուս։ Այլ ևս չէ նա երկրի վրայ մարդկային կերպարանքով, այլ վերստին դարձած է երկինք։ Հոն կրնաս գտնել զնա նստած ու զորմութեան աթոռին վրայ, սպասելով տալ յաւիտեանական կեանք ամէն անոնց որ կու գան անոր։ Թերևս կը խորհիս թէ հեռին երթալ պէտք է, բայց մեղաւորաց աղօթքները կը հասնին երկինք նոյն իսկ այն վայրկենին որ կ'ըսուին, և կը լսուին Յիսուսի միջոցաւ սիրալիր ուշադրութեամբ։ Բայց ասոր մէջ դժուար կ'երևի հասննալ, գիտնալ վստահաբար թէ Յիսուս ոչ միայն երկինքն է այլ նաև երկրիս վրայ։ Նա Աստուած է, վասն որոյ է ամէն տեղ։ Ըսաւ իւր աշակերտներուն. «Ամէն օր ձեզի հետ եմ»։ Միշտ ներկայ է նա մեր մէջ։ Հիւանդին սենեկին մէջ կը գտնուի Յիսուս, պատրաստ՝ մխիթարել նեղեալ աշակերտը որ կը պառկի ցաւոց այն անկողնոյն վրայ։ Ծածուկ տեղը ուր մեղաւորն առանձնացած է խոստովանել իւր մեղքերը, հոն կը գտնուի Յիսուս ըսելու համար, «Քաջալերուէ, որդեակ, քու մեղքերդ քեզի ներուած են, զնա

խաղաղութեամբ»։ Եկեղեցւոյ մէջ կամ այն սենեկին մէջ ուր շատեր կամ քիչեր ժողովուած են փառաբանութիւն և աղօթք մատուցանելու, հոն է Յիսուս որ կը սպասէ լեցունել անոնց կարօտութիւնները։ «Ուր որ երկու կամ երեք հոգի ժողովուած ըլլան իմ անունովս, հոն եմ ես անոնց մէջ»։ Ընթերցող, Յիսուս մօտ է քեզի։ Հիմա որ քու աչքդ կը կարդայ այս երեսը, նա քովդ կեցած է։ Կը շնչէ քու ականջիդ։ Կը հրաւիրէ քեզ որ վնասուես զնա։ Եթէ կը փափաքիս գտնել զնա, հարկ չէ որ երկար ճանապարհորդութիւն ընես, և ոչ երկար ժամանակ սպասես որպէս զի խնդրուածդ հասնի անոր ականջը։ Յիսուս աւելի մօտ է քեզի քան քու քովդ նստող բարեկամդ. վասն զի նա է քու սրտիդ դրանը քով, և կը զարնէ դուռը որ ներս մտնէ։ Ուր և երթաս՝ քու ետեւէդ կու գայ ձեռուները օրհնութեամբ լեցուն, զորս կը մատուցանէ քեզ ձրիապէս։ Կը քննէ քու շաւիղդ և պառկիլդ, բայց միշտ քեզի բարիք ընելու համար։ Առաւօտուն կը կենայ քու անկողնոյդ քով, առաջարկելով քեզ հագուեցունել զքեզ իւր արդարութեան սպիտակ պատմութեանով. և երբ կը նստիս սեղան, կ'ըսէ քեզ որ ուտես կենաց հացը որ պիտի փրկէ հոգիդ մահուանէ։ Այնչափ մօտ է քեզի որ կը տեսնէ քու անոր գալու համար ըրած առաջին տկար ջան.

քրդ, և կ'երկնցունէ իւր ձեռքը օգնել քեզի: Այնչափ մօտ է քեզի որ կը տեսնէ զըզլման առաջին արտասուքդ, և կ'իմանայ թողութիւն գտնելու համար հանած առաջին հառաչանքդ: Այնչափ մօտ է որ կը պատասխանէ քեզի տակաւին անոր չկանչած, և մինչ տակաւին կը խօսիս, կը լսէ: Մեղաւոր, ուր և ըլլաս, հոն է Յիսուս: Այնպէս որ ամէն երկրի մէջ, ամէն պարագայից տակ, ցերեկ և գիշեր, տունը և դուրսը, կրնաս գալ Յիսուսի: Տես Սաղմ. ԶԼԹ., Ես. ԿԵ. 24, Մատթ. ԺԸ. 20, ԻԸ. 20, Յովհ. ԺԴ. 18—23:

“ԴՆՁ ԿԸ ՆՇԱՆԱԿԷ ՅԻՍՈՒՍԻ ԳԱԼ”

“Շատ խօսուեցաւ Յիսուսի գալու վրայ, բայց ինչպէս կրնամ գալ: Յիսուս երկինքն է, ի՞նչպէս կրնամ երթալ հոն խօսել անոր հետ: Ինծի ըսուած է թէ Յիսուս նաեւ ամէն տեղ է, բայց ես չեմ կրնար տեսնել զնա. ուրեմն ի՞նչպէս կրնամ երթալ անոր: Եթէ երկրի վրայ ըլլար, ինչպէս էր երբեմն, ամէն նեղութիւն յանձն կ'առնուի անոր երթալու համար: Կը ծախէի բոլոր ստացուածքս ճամբորդութեան ծախքիս համար, կը ճամբորդէի հարկաւոր մղոն տեղ: Դժուարութիւն մը չէր արգելել զիս: Իսկոյն ճամբայ կ'ելլէի և կ'երթայի անոր, յառաջ կ'երթայի բազմութիւնը մէկդի հրելով, ինչպէս հիւանդները սովոր

էին ընել, որպէս զի բժշկուէին: Կ'իյնայի անոր առջև, կը բռնէի անոր պատմուճանէն կամ կը փարէի անոր ոտից, և կ'ըսէի, “Տէր Յիսուս, փրկէ զիս: Ես չեմ գար քեզի բժշկուելու համար կուրութենէ, կամ կաղութենէ, կամ բորոտութենէ, այլ՝ մեղքէ: Իմ սիրտս հիւանդ է անօրէնութեամբ: Աստուծոյ բարկութեան և յաւիտենական դատապարտութեան վտանգին մէջ կը գտնուիմ: Տէր, աղատէ զիս, ահա կը կորսուիմ: Բայց, աւա՜ղ, Յիսուս այլ ևս մեր մէջ չէ, և ես չեմ կրնար հասկնալ թէ ինչ կը նշանակէ Յիսուսի գալ:” Սիրելի ընթերցող, բոլոր այս բաներն ըրէ սրտիդ մէջ, և այն ատեն Յիսուսի եկած ես: Ի՞նչ կը կարծես թէ պիտի ըլլայ օգուտը անոր երթալուդ, և անոր առջև իյնալուդ, և բռնելուդ անոր հանդերձները և խօսելուդ անոր՝ ինչպէս սովոր էին հիւանդք և կոյրերը: Ո՛չ ապաքէն այդպէս ընելով զիտցուցած կ'ըլլաս քու կարօտութիւններդ: Նա արդէն զիտէ զանոնք: Առանց այս բոլոր նեղութիւնները կրելու, կրնաս հասկցունել անոր թէ կ'ուզես որ աղատէ քեզ: Խորհէ անոր վրայ, թող սիրտդ զգայ անոր պատուականութիւնը, և թող քու աղաղակդ վեր ելլէ անոր ճիշդ այնպէս՝ ինչպէս իբր թէ տեսնէիր զնա: Այնպէս եռանդ ունեցիր որ իբր թէ բազմութիւն մը կայ անոր շուրջը զոր դուն կ'ուզես ճեղքել

անցնիլ Յիսուսի քով երթալու համար: Կանչէ անոր, ինչպէս ըրաւ կոյրը թէպէտ չէր տեսներ զնա, աղաղակելով, «Յիսուս, որդի Դաւթի, ողորմէ ինծի»: Դուն աւելի բաղդաւոր ես քան զանոնք որ կ'ապրէին երբ Յիսուս կը գտնուէր երկրի վրայ: Անոնք շատ անգամ հեռի տեղեր ճամբորդելու պէտք կ'ունենային: Երբեմն չէին կրնար անոր քով երթալ ժողովրդեան բաղմութեանն համար: Բայց դուն կրնաս զնա իբրեւ քուկդ ընդունել իբր թէ չկայ ուրիշ մեղաւոր որ ունենայ կարօտութիւն անոր: Յիսուս միշտ մօտ է, և թէպէտ դուն չես կրնար տեսնել զնա, ինք կը տեսնէ զքեզ, գիտէ բոլոր զգացումներդ, և կը լսէ բոլոր խօսածներդ: Յիսուսի գալն է սրտին փափաքը դէպ ի նա: Ի զգալ մեր մեղքերը և թշուառութիւնը, հաւատալ թէ կարող է նա և յօժար ներել մեզ, մխիթարել և փրկել զմեզ, խնդրել անկէ օգնել մեզ և վրաստահել անոր իբրեւ մեր Բարեկամին: Ունենալ ճիշդ նոյն զգացումները և փափաքները իբր թէ նա տեսանելի կերպով ներկայ է, և թէ եկած ենք աղաչել անոր օրհնել զմեզ, է գալ անոր, թէպէտ ոչ կը տեսնենք անոր երեսը և ոչ կը լսենք անոր ձայնը: Յիշէ, մեղաւոր, քու փափաքդ թողութիւն ընդունելու և քու աղօթքդ, «Յիսուս, աղատէ զիս», է գալ անոր:

ԵԿՈՒՐ ԱՂՕԹՊՈՎ

Թէպէտ չես կրնար տեսնել զՅիսուս, կրնաս խօսել անոր: Կրնաս աղօթել: Աստուած թոյլ տուած է և մինչև անգամ պատուիրած է այսպէս ընել: Ի՞նչ մեծ արտօնութիւն՝ թոյլ տուութիւն ընդունել խօսելու Աստուծոյ: «Նեղութեան օրն ինծի կանչէ:» «Արթուն կեցէք և աղօթք ըրէք:» «Անդադար աղօթք ըրէք:» Աղօթքը չպահանջեր աղուոր և կարգաւորեալ խօսքեր: Քու սրտիդ փափաքին ամենէն պարզ արտայայտութիւնը խօսքով՝ է աղօթք: Նոյն իսկ փափաքները որ խօսքով չեն զրուցուած՝ աղօթք են: Հարկ չէ որ սպասես մինչև որ մտնես եկեղեցի աղօթք ընելու համար. կրնաս աղօթք ընել ամէն տեղ: Եւ Յիսուս միշտ կը սպասէ խեղճ մեղաւորաց աղօթքներուն, այնպէս որ ոչ ոք երբեք կը վրիպի անոր ուշադրութենէն: Անոր ականջը միշտ բաց է: Դժուար է խօսել թագաւորաց և իշխանաց. անոնք երբեմն միայն կը տեսնուին հասարակութեան, և այն ատեն իսկ միայն քիչ անձանց թոյլ կը տրուի մօտենալ անոնց:

Բայց ամէն մարդ կրնայ գալ Յիսուսի իրենց խնդրութեանը ուրչափ և խեղճ ըլլան անոնք և անարդեալ, և կրնան գալ ամէն ատեն: Խնդրէ Աստուծմէ ինչ բարիք որ կ'ուզես քու հոգւոյդ համար: Աղօթէ մեղացդ թողութեան,

հաւատոյ, սրբութեան և մխիթարութեան համար: Անկարելի է որ աղօթեա պարապ տեղը: Կրնաս վստահ ըլլալ թէ այսպիսի աղօթքներ պիտի ընդունին պատասխան: Կան բաներ զորս նոյն ինքն Աստուած չկրնար ընել: Աստուած չկրնար մեղանչել, և չկրնար մերժել պատասխանել խեղճ մեղաւորի մը աղօթքին, վասն զի խոստացած է: «Խնդրեցէք, և պիտի տրուի ձեզի», ըսած է Յիսուս, և անոր խօսքը կը յայտարարէ, «Իր անձը չկրնար ուրանալ»: Ուրեմն քաջալերուէ աղօթել: Թէպէտ դու զքեզ նուաստ և անօգնական համարիս, արդեւրած չէ քեզ աղօթել: Աղօթէ, թէպէտ միայն կարող ըլլաս ըսել. «Տէր, ազատէ զիս, եթէ ոչ կը կորսուիմ»: Աղօթելը ունակութիւն ըրէ քեզի: Գտիր տեղ մը ուր ըլլաս առանձին: «Երբ որ աղօթք կ'ընես, մօտիւ քու ներքին սենեակդ ու դուռդ գոցէ»: Ելիր առօրեայ դործի սկսելու ատենէն առաջ որ ժամանակ ունենաս աղօթելու: Բաց սիրտդ Աստուծոյ առջև: Ըսէ անոր թէ ի՞նչպէս անարգ, անօգնական և թշուառ ես դուն: Խոստովանէ մեղքերդ և աղաղակէ թողութիւն խնդրելով: Կարդա Սուրբ Գիրքը, և խնդրէ այն սրբութիւնը որ կը պատուիրուի հոն: Ըսէ, «Տէր, ես տգէտ եմ, սորվեցուր ինձ: Սիրտս կարծր է, կակուղցուր զայն: Դարձուր զիս Սուրբ Հոգւովդ: Օգնէ ինձ դալ առ Յիսուս, այսինքն

հաւատալ անոր, սիրել զնա և հնազանդել անոր: Փրկէ զիս մեղքէն, և յարմարցուր զիս երկնից: Եւ օրուան մէջ շատ անգամ թող քու սիրտդ բարձրանայ դէպի Աստուած, մինչև իսկ այն ատեն երբ զբաղած ես սովորական աշխատութիւններովդ: «Անդադար աղօթք ըրէք»: Եթէ աղօթքիդ պատասխանը չերևիր թէ կը տրուի իսկոյն, շարունակէ աղօթելդ, և անտարակոյս եղիր որ պիտի յաջողիս ընդունել պատասխանը: Աղօթող հոգին բնաւ չկրնար կորսուիլ: Չես կրնար կորսուիլ քանի որ անկեղծութեամբ կը կանչես Յիսուսի, ըսելով, «Տէր, ողորմէ ինձի մեղաւորիս»:

Տես Սաղմ. ԾԵ. 17, ԿԶ. 2, ՃԲ. 17, Մատթ. 2. 5, 6, Ղուկ. ԺԼ. 1—14, Գործ. Ժ. 9, Փիլիպ. Գ. 6, Ա. Թես. Ե. 17:

#### ԵԿՈՒՐ ԱՂՕԹԵԼՈՎ ՀԱՄԱՐՁԱԿ

Ձարմանալի է որ մեղ նման մեղսալից տարածներու երբեք թոյլ տրուի աղօթել: Երբ խորհինք թէ ի՞նչ ենք մենք, և ի՞նչ է Աստուած, բնական է որ դողանք դալ անոր, և ուստի կը վախնանք թէ գուցէ պիտի մերժէ մեզ: Բայց նա խրախոյս տուած է մեզ մօտենալ մինչև անգամ «համարձակութիւնով շնորհաց աթոռին առջևը»: Այս ջնջանակեր թէ մենք գալու ենք առանց խորին մեծարանաց և խոնարհութեան, բայց թէ մենք աղօթելու

ենք կատարեալ համողմամբ՝ թէ Աստուած պիտի պատասխանէ մեզի։ Աղօթքի պատասխանի շատ օրինակներ կան։ Եղեկիա թագաւոր աղօթեց և Սենեքերիմայ բանակը զարնուեցաւ։ Եղիա մարգարէ աղօթք ըրաւ, և կրակ իջաւ երկինքէն՝ այրել ողջակէզը։ Առաքեալք աղօթք ըրին և Սուրբ Հոգին իջաւ անոնց վրայ հրաշագործ շնորհքներով։ Եկեղեցին աղօթք ըրաւ, և Պետրոս ազատուեցաւ բանտէն հրեշտակի մը ձեռամբ։ Մենք չպարտիմք ակնկալել թէ այս կենաց վերաբերեալ մեր բոլոր խնդրուածները պիտի կատարուին, քանզի շատ անգամ կը փափաքինք այնպիսի բաներու որ մեզի փնասակար են։ Սակայն վստահ կրնանք ըլլալ թէ Աստուած պիտի տայ մեզի ինչ որ լաւագոյնն է։ Բայց երբ կը խնդրենք օրհնութիւններ մեր հոգւոց համար, զորօրինակ, երբ կը խնդրենք մեղաց թողութիւն, սրբութիւն և փրկութիւն, բոլորովին կրնանք ըլլալ վստահ թէ պիտի ընդունինք պատասխանը, վասն զի ըսուած է մեզի թէ ինչ որ խնդրենք Աստուծոյ կամացն համեմատ, կը լսէ մեզ Աստուած. նաև ըսուած է թէ Աստուած «կ'ուզէ թէ բոլոր մարդիկ փրկուին»։ Յիսուս ըսաւ, «Խնդրեցէք, և պիտի տրուի ձեզի», և «Իմ անունովս ինչ որ խնդրէք, պիտի կատարեմ անիկա»։ Նա կ'աղօթէ մեզի համար։ Մինչև անգամ մեր ամենէն աղէկ աղօթքները երբեք

չեն արժանի գրաւել Աստուծոյ ուշադրութիւնը։ Բայց մտիկ կ'ընէ անոնց վասն զի Քրիստոս կը միջնորդէ։ Եթէ աղերսագիր մը գրես թագաւորի մը, բայց պալատին մէջ գտնուողներէն և ոչ ոք կը ճանչնայ քեզ, և դուն ցնցոտիներ հագած ըլլաս, և բոլոր ջանքով աշխատելէդ ետքը գրութիւնդ բիծերով ծածկուի, չե՞ս վախնար թէ բնաւ պիտի չընդունուիս, կամ թէպէտ ընդունուիս՝ քու աղերսագիրդ պիտի չկարդացուի։ Բայց դիցուք թէ թագաւորին որդին գար, և ըսէր, «Նս ինքնա անձամբ քու աղերսագիրդ պիտի մատուցանեմ», և պիտի խնդրեմ հօրմէս կատարել խնդրուածդ»։ Յիսուս այս բանը կ'ընէ։ Հօր Աստուծոյ կը մատուցանէ մեր տկար աղօթքները և կ'ըսէ, «Ի սէր իմ օրհնէ այս խեղճ մեղաւորը, և կատարէ անոր խնդրուածը»։ Եւ ըսուած է մեզ թէ Հայրը կը լսէ անոր։ «Միշտ կենդանի է բարեխօս ըլլալու»։ Ով մեղաւոր, որ կը դողաս և կուլաս, ուրախ եղիր։ Դուն բարեկամ մը ունիս արքունի պալատին մէջ։ Թէպէտ անարժան են քու խնդրուածներդ, Յիսուս կ'աղօթէ քեզի համար, և անոր աղօթքները միշտ կ'ընդունուին։ Քանզայս աւելի ի՞նչ կ'ուզես որ քաջալերէ քեզ։ Եկուր ուրեմն «համարձակութիւնով շնորհաց աթոռին առջևը որ ողորմութիւն ընդունիս, և շնորհք գտնես պէտք եղած ատենը քեզի օգնելու»։

Տես Դ. Թագ. ԺԸ. 21—39, Դ. Թագ. ԺԹ.,  
Մատթ. Է. 7—11, Յովհ. ԺԴ. 13, 14, ԺԵ.,  
Գործ. Ա. 13, 14, Բ. 1—4, ԺԲ. 5—17, Եբբ. Դ.  
14—16, Է. 25, Ա. Յովհ. Ե. 14:

# ԵԿՈՒՐ ՀԱՒԱՏՔՈՎ

Նոր Կտակարանին մէջ շատ տեղեր կը կար-  
դանք հաւատքի վրայ: Կը կարդանք թէ “հա-  
ւատքով կարդարանանք,” և “հաւատքով կը  
փրկուինք:” Թէ “պարտիմք հաւատալ Տէր  
Յիսուս Քրիստոսի, որ փրկուինք:” Հաւատքն  
է վստահութիւն, ապաւինութիւն: Եթէ անօ-  
թի ըլլամ, և մարդասէր բարեկամ մը տայ  
ինձ բան մը և ըսէ թէ հաց է այն, բայց մութ  
է և չեմ կրնար տեսնել, և սակայն եթէ սկը-  
սիմ իսկոյն ուտել զայն, ահա հաւատք է այս:  
Ես կը վստահիմ անոր խօսքին: Եթէ հիւանդ  
ըլլամ, և դեղ տրուի ինձ՝ ըսելով թէ օգուտ  
պիտի ընէ ինձ, և խմեմ զայն, ահա հաւատք  
է այս: Ես այն դեղը խմելով կը ցուցնեմ թէ  
կը հաւատամ բժիշկին ճարտարութեանը կամ  
վստահութիւն ունիմ անոր վրայ: Յիսուս ե-  
կաւ աշխարհ մեռնել մեղաւորաց համար: Կ’ըսէ,  
“Հաւատա ինձ: Ես գնեցի լիակատար թողու-  
թիւն քեզի համար և կրնաս ազատ արձակ-  
ուիլ: Ես իմ արիւնս թափեցի մեղացի թո-  
ղութեան համար: Բայց դուն ձրի պիտի ըն-  
դունիս զայն: Եթէ հնազանդիս խօսքերուս,

և վստահիս իմ պաշտպանութեանս, յանձն  
կ’առնում փրկել քեզ մահէն և դժոխքէն:  
Բոլորովին կարող եմ ընել զայս: Հոս կայ հաց  
ուտելու համար, որ պիտի ապրեցունէ դքեզ  
եթէ ուտես. հոս կայ դեղ որ այնպէս պիտի  
բժշկէ քու հոգւոյդ հիւանդութիւնը որ բնաւ  
պիտի չմեռնիս: Եկուր ինձի, հաւատա ինձ և  
պիտի փրկուիս:” Հաւատքն է վստահիլ ճիշդ  
այն բանին զոր կ’ըսէ Յիսուս: Հաւատքն է  
պարզապէս դալ Յիսուսի: Յիսուս մեռաւ  
քեզի համար: Հաւատա անոր մեռնելուն, և  
ընդունէ անոր մահուան օրհնութիւնը: Յիսուս  
բացած է բանտին դուռը քեզի համար: Հա-  
ւատա այս ըրածին և փախիր բանտէն: Յիսուս  
կ’ուզէ կրել քու բեռդ. քու տեղդ: Հաւատա  
և նետէ մեղքերդ անոր վրայ: Վճարած է  
բոլոր պարտքդ: Ուրախ եղիր: Կը բերէ քեզի  
փրկութիւն, և կ’ըսէ, “Քուկդ պիտի ըլլայ այն,  
եթէ կ’ուզես ընդունել:” Երկնցուր ձեռքդ,  
և առ զայն երախտագէտ սրտով: Նման ան-  
առակ որդւոյն շատ հեռացած ես տնէն, բայց  
Յիսուս արտօնութիւն առած է քեզի համար  
որ վերստին դառնաս տուն: Հայրդ ի սէր  
Յիսուսի յօժար է սիրով ընդունել քեզ երբ  
կը դառնաս ետ: Հաւատա անոր և ըսէ, “Ել-  
լեմ երթամ հօրս:” Կը փափաքիս որ քեզի  
վստահին քու ամուսինդ, կամ որդիքդ. և  
կը վշտանաս եթէ տարակուսին քու խօսքե-

բուդ . այնպէս չէ՞ : Ըստ ամին օրինակի Յիսուս  
ալ կ'ուզէ որ հաւատաս իրեն երբ կ'ըսէ ,  
« Խեղճ մեղաւոր , ես կարող եմ և կամեցող  
փրկել զքեզ : Եկուր ինձի » : Մի վշտացուներ  
զնա չվատահերով անոր խօսքին : Եթէ չես գար  
անոր՝ խորհելով թէ շատ մեծ մեղաւոր ես ,  
ատու կ'ըսես թէ նա կարող չէ փրկել քեզ  
թէպէտ կ'ըսէ մեզի . « Բողոքովին կարող ալ է  
ապրեցունելու անոնք՝ որ իրմով Աստուծոյ կու  
գան » : Դուն այսպէս սուտղրուց կ'ընես զնա :  
Հաւատա թէ նա ստուգիւ պիտի կատարէ  
ինչ որ կը խոստանայ : Գնա անոր անմիջապէս :  
Ըսէ անոր , « Կը հաւատամ , Տէր , օգնէ իմ  
անհաւատութեանս : Դուն կարող ես փրկել  
ամենէն մեծ մեղաւորը . փրկէ զիս » :

Տես Յովհ. Գ. 14—18, Գործ. ԺԶ. 30, 31,  
Հռովմ. Ե. 1, Եբր. ԺԱ. :

ԵԿՈՒՐ ԻՔՐԵՒ ՄԵՂԱՒՈՐ, ՃԻՇԴ ԻՆԶՊԵՍ ՈՐ ԵՍ

Թերևս կ'ըսես , « Ինձի պէս չար մեղաւոր մը  
ինչպէս կրնայ համարձակիլ գալ սուրբ Յի-  
սուսի մօտ : Յիսուս թող պիտի տա՞յ այսպիսի  
թշուառականի մը որ մօտենայ իրեն : Պէտք  
չէ՞ որ սպասեմ մինչև ըլլամ աւելի յար-  
մար » : Սիրելի մեղսակիցս , նոյն իսկ քու մե-  
ղաւոր ըլլալդ զքեզ կ'ընէ յարմարագոյն Յի-  
սուսի գալու : Ինչ որ կը համարիս արդելք ,  
նոյնը ամենէն աւելի քաջալերիչ է . վասն զի

« Քրիստոս Յիսուս աշխարհք եկաւ մեղաւոր-  
ները փրկելու , » և ուստի փրկել քեզ նման-  
ները : « Ես արդարները կանչելու չեկայ , հապա  
մեղաւորները՝ ապաշխարութեան » : Ոչ թէ  
կը գտնուի որ և իցէ մէկը որ է իրօք արդար ,  
այլ կան շատեր որ զիրենք կը կարծեն արդար ,  
և այսպիսի մարդիկ բնաւ պիտի չընդունուին  
Քրիստոսէ : Եթէ երբեք պիտի գանք անոր ,  
պէտք է որ գանք ճիշդ ինչպէս որ ենք : Մենք  
մեծ մեղաւորներ ենք : Կոտրած ենք Աստուծոյ  
օրէնքը : Չար գործած ենք ինչպէս արտաքին  
գործերով՝ նոյնպէս և մեր սիրտերուն մէջ .  
մարած ենք Հոգին , և անարդած ենք Յիսուսի  
սէրը : Մեր մէն մի գործը լեցուն է թերու-  
թիւններով : Չենք կրնար սրբել մենք զմեզ :  
Եւ եթէ գանք Յիսուսի՝ ցուցնելով թէ ար-  
դարներ ենք , միայն կը ծաղրենք զնա : Փո-  
խանակ ըսելու թէ « հարուստ եմ ու մեծցայ ,  
և բանի մը կարօտ չեմ , » պարտիմք գալ իբրև  
այնպիսիք որ են « խեղճ ու թշուառական և  
աղքատ ու կոյր ու մերկ » : Այսպէս պարտիմք  
գալ Յիսուսի և խոստովանել մեր անարժա-  
նութիւնը : Իւր առականերէն միոյն մէջ խօսե-  
ցաւ Յիսուս ինքզինք արդար համարող մար-  
դու մը վրայ որ շնորհակալ կ'ըլլար Աստուծոյ  
թէ ուրիշ մարդիկներէն աւելի աղէկ էր , նաև  
կոտրած սրտով ապաշխարող մարդու մը վրայ՝  
որ չէր համարձակեր իւր աշուրներն երկինք

վերցունել, բայց կը ծեծէր իւր կուրծքն ըսելով, «Սատուած, ողորմէ ինծի մեղաւորիս:» Այս վերջինն էր որ իւր տունը դնաց մեղաց թողութիւն ընդունած և փրկուած: Եւ եթէ մենք կ'ուզենք ընդունուիլ Յիսուսէ, պարտիմք երթալ անոր նոյն ոգւով, ըսելով, «Սատուած, ողորմէ ինծի մեղաւորիս:» Եւ մենք չպարտիմք սպասել, խորհելով թէ երբեք աւելի արժանաւոր պիտի ըլլանք: Ոչ, մեր հոգիները կ'արատաւորին մեղքով հետզհետէ, և բոլոր մեր լուսացմանք բնաւ պիտի չազատեն զմեզ մէկ սեւ բծէ մը անգամ: Միայն ֆրիստոսի արիւնը կրնայ մաքրել զմեզ: Մենք բնաւ չենք կրնար զմեզ աւելի աղէկ ընել: Պարտիմք Յիսուսի՝ դալ որ կարող է զմեզ աւելի աղէկ ընել: Մինչև որ չգանք Յիսուսի, բան մը չըլլար: Մեր առաջին պարտականութիւնն է դալ Յիսուսի: Եկուր ուրեմն, խեղճ մեղաւոր: Մի՛ սպասեր ուրիշ վայրկեանի մը, յիմարաբար խորհելով թէ աւելի յարմար պիտի ըլլաս հետզհետէ: Դուն բնաւ պիտի չըլլաս աւելի յարմար, և բնաւ աւելի սիրով ընդունելութիւն պիտի չգտնես քան որչափ այս վայրկեանին մէջ: Յիսուս գիտէ շատ աւելի աղէկ քան որչափ դուն գիտես թէ ի՞նչպէս մեղաւոր և ապականեալ ես դուն, բայց չըսեր, «Սպասէ», այլ կ'ըսէ, «Եկուր:» Եկուր ուրեմն, քու բոլոր մեղքերովդ և տկարու-

թեամբդ, և սրտիդ կարծրութեամբը. եկուր Յիսուսի: Եկուր իբրև մեղաւոր և եկուր ճիշդ ինչպէս որ ես:

Տես Սաղմ. Իմ., Մատթ. Թ. 10—13, Ղուկ. ԺԲ. 9—14, Ա. Տիմ. Ա. 15, Յայտ. Գ. 17, 18:

«ԲԱՅՑ ԵՍ ԱՐԺԱՆԻ ԶԵՄ,

ԵՒ ԶԵՄ ԿՐՆԱՐ ՈՒՂՂԱԿԻ ԳԱԼ»

Եթէ կ'երեւակայես թէ որ և իցէ մեղաւոր արժանի է փրկուելու, բոլորովին սխալ կ'առնուս Աւետարանին բնութիւնը: Փրկութիւնն է ձրի պարգև և ոչ վարձատրութիւն: Ոչ ոք արժանի է: Պողոս, Պետրոս, Յովհաննէս արժանի չէին: Բայց Յիսուս ա՛յնչափ լեցուն է սիրով՝ որ թէպէտ մենք ամէնքս ենք անարժան, կը հրաւիրէ զմեզ դալ իրեն: Եթէ Յիսուս մեր մեղքերն արգելք չհամարիր, ինչո՞ւ մենք համարինք: Յիսուս գիտէ թէ աղտեղի ցնցոտիներ կը ծածկեն քեզ, թէ գարշելի ախտով մը բռնուած ես, բայց կ'ըսէ «Եկուր ինծի:» Բուն իսկ այս բաներուն համար կ'ըսէ, «Եկուր:» Ուրեմն ի՞նչ անպատշաճ է քեզի մերժել ըսելով թէ անարժան ես: Դուն կըրնայիր ըսել նաև թէ հաց ուտելու չեմ քանդի շատ անօթի եմ, կամ օգնութիւն ընդունելու չեմ քանդի շատ աղքատ եմ, ճիշդ այն կերպով որ կ'ըսես թէ թողութիւն ընդունելու չեմ քանդի շատ անարժան եմ: Բուն իսկ

այդ անարժանութեանդ համար սիրով կ'ըն-  
դունուիս Տէր Յիսուսէն : Բայց կ'ըսես թերեւ,  
թէ չեմ կրնար դալ անոր ինչպէս որ պէտք է :  
Ուրեմն եկու՛ր ինչպէս որ կրնաս : Յիսուս չըսաւ,  
“Եկուր ինձի վազելով կամ քալելով,” այլ  
պարզապէս՝ “Եկուր :” Եկուր, և փոյթ չէ ինչ  
կերպով որ ըլլայ, և պիտի ընդունուիս : Եկուր  
սողալով սողոսկելով, որ և իցէ կերպով — միայն  
թէ եկուր : Կ'ըսես թերեւ, թէ բաւական չես  
ապաշխարած : Բայց դու բնաւ պիտի չապաշ-  
խարես բաւական, վասն զի ապաշխարութիւնը՝  
նման բոլոր ուրիշ շնորհաց՝ միշտ կ'աճի, և ոչ  
մէկուն ապաշխարութիւնը կրնայ հաւասարիլ  
իւր մեղաց : Բայց մեր փրկուիլն անոր համար  
չէ որ բաւական կ'ապաշխարենք, այլ եթէ  
մենք երբեք ապաշխարենք, կը փրկուինք վասն  
զի Յիսուս մեռաւ : Կ'ըսես թերեւ, թէ չունիս  
բաւական սէր : Բայց դուն բնաւ պիտի չու-  
նենաս բաւական սէր մինչև որ չերթաս երկինք :  
Սակայն մենք կը փրկուինք՝ ոչ վասն զի կը սի-  
րենք զԱստուած, այլ վասն զի Աստուած կը  
սիրէ զմեզ : Կ'ըսես թերեւ, թէ չունիս բաւա-  
կան հաւատք : Այդ ճշմարիտ է, և ամէն փրիս-  
տոնեայ պարտի աղօթել, “Տէր, իմ հաւատքս  
աւելցուր :” Բայց եթէ դուն ստուգիւ կը նայիս  
Յիսուսի փրկուելու համար, այս նայելդ է հա-  
ւատք. և թէպէտ հաւատքն ըլլայ շատ տկար,  
սակայն զայն ունեցողը չկրնար կորսուիլ : Բայց

կ'ըսես թերեւ, թէ քու սիրտդ բոլորովին  
կարծրացած է, և վասն որոյ քու լոկ նեղու-  
թեան աղաղակներդ չեն աղօթք զորս ընդունի  
Աստուած : Քաջաբերուէ միտք բերելով Սիմոն  
Մոգին դէպքը : Անոր “սիրտը Աստուծոյ առ-  
ջևը շիտակ չէր :” Նա էր “մաղձի դառնու-  
թեան մէջ և անիրաւութեան կապին մէջ :”  
Սակայն Պետրոս ըսաւ, “Աստուծոյ աղաչէ,  
դուցէ ներուի քեզի քու սրտիդ չար խոր-  
հուրդը :” Որ կը նշանակէ, “Եթէ դուն ստու-  
գիւ աղօթես Աստուծոյ, քու մեղքերդ քեզի  
պիտի ներուին :” Քու վիճակդ քան անորն  
աւելի գէշ չկրնար ըլլալ. բայց անոր քաջա-  
լերութիւն տրուեցաւ գալ Յիսուսի : Եկուր  
կոտրած սրտով որպէս զի նա բժշկէ զայն,  
կամ ինչպէս կ'ըսէ հեղինակ մը, “Եթէ գտնես  
որ կոտրած չէ սիրտդ, տուր սակայն զայն  
անոր՝ փափաքելով որ ըլլայ կոտրած :” Թէպէտ  
անկարող ըլլաս գալ ուղղակի, ջանք ըրէ գալ,  
եկուր ինչպէս որ կու գաս, միայն թէ եկուր,  
և Յիսուս պիտի չմերժէ և չկրնար մերժել քեզ :  
Տես Եսայ . Ա . 4—18, Գործ . Բ . 22, 23,  
36—42, Գ . 13—19, 26, Ը . 18—23, Յայտ .  
ԻԲ . 17 :

“ԲԱՅՅ ԿԸ ՎԱԽՆԱՄ ԹԷ ԵՍ 2ԵՄ ԸՆՏՐՈՒԱԾՆԵՐԷՆ”

Պատճառ չունիս այս երկիւղին . այդ եր-  
կիւղը բուն իսկ քու երեւակայութենէդ է :

Աստուած , կամ հրեշտակ մը , և կամ Աստուածաշունչն ըսած է քեզ այդպիսի բան մը : Ընտրութիւնը , ինչ և նշանակէ , Աստուծոյ գործն է և ոչ քոյդ : Մի չփութիր անոր ծածուկ խորհուրդներուն միջամուխ ըլլալով , այլ նայէ բուն քու պարզ պարտականութեանդ : «Ծածուկ բաները մեր Տէր Աստուծոյն կը վերաբերին , բայց յայտնուած բաները մեզի ու մեր որդւոցը տրուած են յաւիտեան , որ աս օրէնքիս ամէն խօսքերը կատարենք :» Մենք պարտիմք թողուլ ծածուկ բաները և միտ դնել յայտնուածներուն : Մեր պարտքն է գործել Աստուծոյ օրէնքին համեմատ : Եւ այս օրէնքն է յոյժ պարզ : Երբէք տեղ մը չէ ըսուած թէ դուն չես ընտրուած , բայց ըսուած է քեզ թէ Յիսուս մեռաւ քեզի համար և դուն հրաւիրուած ես գալ անոր : Ուրեմն այլ ևս մի նեղեր միտքդ այնպիսի դժուարին խնդիրներով ինչպէս է ընտրութեան խնդիրը , այլ իսկոյն հնազանդէ Աստուծոյ հրամայածին : Աստուած կ'ըսէ , «Ձեր ըրած բոլոր յանցանքները ձեր վրայէն նետեցէք , և ձեզի նոր սիրա ու նոր հոգի ոտացէք : Ձեր չար ճամբաներէն ետ դարձէք : Ապաշխարեցէք ու Աւետարանին հաւատացէք : Հաւատա Տէր Յիսուս Քրիստոսին , ու պիտի փրկուիս դուն : Խնդրեցէք՝ և պիտի տրուի ձեզի . փնտռեցէք՝ և պիտի գտնէք . դուռը զարկէք՝ և պիտի բացուի ձեզի : Աս-

տուծոյ մօտեցէք , ու անիկա ձեզի պիտի մօտենայ : Ան որ ինծի կու գայ՝ բնաւ դուրս պիտի չհանեմ :» Ըրէ ինչ որ կ'ըսէ Աստուած և անշուշտ պիտի փրկուիս : Դիցուք թէ շատ աղքատ ես , և հարուստ մարդ մը հրատարակէր թէ մէկ մէկ ոսկի պիտի տայ հարիւր մարդոց որոց անունները ոչ ոք գիտէ բայց միայն ինք , սակայն նոյն ժամանակը խոստանար թէ պիտի տայ զայն ամէն անոնց որ կը դիմեն անոր , պիտի ըսէր , «Ես կը վախճամ թէ չեմ ընտրելոց թիւէն , վասն որոյ պիտի չխնդրեմ ըստակը :» Ոչ , դուն մանաւանդ պիտի ըսէիր , «Թէ՛ ըլլամ ընտրեալ հարիւրին մէջ թէ ոչ , որովհետեւ ամէն մարդ հրաւիրուած է , պիտի երթամ :» Նոյնն ըրէ նաև յաւիտենական կենաց համար : Մի նստիր անգործ , նեղելով զքեզ անօգուտ հարցումներով թէ արդեօք քու անունդ գրուած է Աստուծոյ գիրքին մէջ : Դուն մեղաւոր ես : «Ոհ , այո՛ :» Լաւ , ուրեմն հրաւիրուած ես , վասն զի «Քրիստոս եկաւ մեղաւորները փրկելու ,» և «անիկա քաւութիւն է բոլոր աշխարհի մեղքերուն :» Հրաւերն է ընդհանուր . «Ոչն որ կ'ուզէ՝ թող կենաց ջուրը ձրի առնէ :» Յիսուս չըսաւ «Եկէք ինծի , դուք որոյ անունները գրուած են կենաց գիրքին մէջ ,» այլ ըսաւ , «Եկէք ինծի , բոլոր յոգնած ու բեռնաւորածներ :» Բեռնաւորած ես մեղքով . ուրեմն եկուր Յիսուսի , և

այնուհետեւ կրնաս վստահ ըլլալ թէ քու ա-  
նունդ պիտի գտնուի կենաց գիրքին մէջ: Ե-  
կո՛ւր Յիսուսի, և պիտի ընդունուիս իբրեւ ընտ-  
րեալներէն մէկը, բայց եթէ հեռի կը կենաս  
Անկէ, կը կորսուիս:

Տես Բ. Օր. Իթ. 29, Եզեկ. ԺԲ. 31, Յովել-  
Բ. 12, 13, Մարկ. Ա. 15, Ա. Յովհ. Բ. 2:

“ԲԱՅՑ ԵՍ ՁՈՒՆԻՄ ՀԱՒԱՏՔ”

«Ձեմ զգար թէ ներուած են մեղքերս, և  
վստահ չեմ թէ փրկուած եմ: Շատերը կ’ը-  
սեն թէ գիտեն երբ գտան փրկութիւն, և թէ  
ունին ներքին վկայութիւն որ ամէն բան ա-  
պահով է իրենց համար: Անոնք գտած են խա-  
ղաղութիւն, բայց ես գտած չեմ: Լեցուն եմ  
տարակոյսներով և երկիւղներով, չունիմ հա-  
ւատք, վասն որոյ կը վախնամ թէ Յիսուս բը-  
նաւ չընդունի զիս:» Բա՛րեկամ, դուն կը շփո-  
թես իրարու հետ երկու բաներ որ մեծապէս  
կը տարբերին իրարմէ. ասոնք են հաւատք և  
վստահութիւն: Դուն կը խօսիս վստահութեան  
և ոչ հաւատոյ վրայ: Շատ ուրախալի է վստահ  
ըլլալ ներում գտնելու և երկինք երթալու  
մասին, բայց կարելի է վստահութիւն չունե-  
նալ այդ մասին, և սակայն ունենալ հաւատք:  
Հաւատքն է գալ Յիսուսի իբրեւ ողորմելի մե-  
ղաւոր, և միայն անոր վստահել փրկութեան  
համար: Վստահութիւնն է տարակոյս չունե-

նալ թէ փրկուած եմք: Հաւատք և վստահու-  
թիւն բոլորովին տարբեր են իրարմէ: Հաւատքը  
անհրաժեշտ է փրկուելու համար, բայց ոչ վստա-  
հութիւնը: Կան շատ մարդիկ որ ունին վստա-  
հութիւն, որ է սուտ և սնոտի բան, մինչ զուրկ  
են ի հաւատոյ, և կան շատեր ևս որ ունին  
ճշմարիտ հաւատք բայց չեն վայելեր վստա-  
հութեան հաճոյքը: Դիցուք թէ նաւաբեկու-  
թեան հանգիպէիր, և փաթթուէիր նաւուն  
մէկ կտորին որոյ դէմ կոհակը կը բաղխին կա-  
տաղաբար: Կենաց—նաւակ մը կու գայ քեզի:  
Այնպէս լաւ շինուած է այն որուն կարելի չէ  
ընկղմիլ: Թիավարը այնպէս հանճարեղ են որ  
բնաւ չեն թերացած ապահով հասցունել նա-  
ւակը նաւահանգիստ: Անոնք կը հրաւիրեն քեզ  
նաւակը մտնել: Գիտես որ այն նաւը որուն  
մէջ կը գտնուիս, շուտով պիտի խորտակի, կը  
հաւատաս նաւ թէ կենաց—նաւակը քեզ ա-  
պահով պիտի տանի ծովեզրը: Ուստի կը մտնես  
մէջը: Բայց երբ ահագին կոհակները կը շար-  
ժեն զայն վեր և վար, և կը թուի թէ պիտի  
ընկղմեն զայն, կը վախնաս, և թերեւ չազա-  
տիս երկիւղէդ մինչև որ հասնիս ծովեզրը՝ ցա-  
մաք: Նաւակը մտնելն էր հաւատք, երկնչելը  
մինչ կը գտնուէիր անոր մէջ՝ էր վստահու-  
թեան պակասութիւն: Բայց թէպէտ վախցար,  
ահաբեկ եղար, սակայն այնպէս ապահով էիր  
ինչպէս թիավարը որ չունէին երկիւղ: Քու

սարսափեց չվտանգեց ապահովութիւնդ , թէ պէտ աւրեց խաղաղութիւնդ : Բարեկամ , մեք եւ ենք փոթորկի մէջ : Մեր մեղքերը յարուցին Աստուծոյ արգարութեան փոթորիկը և կոհակները : Օրէնքը կ'որոտայ իւր անէծքները մեզի դէմ : Դժոխքը վարը իւր բերանը լայն բացած է : Յիսուս է՝ նման կենաց — նաւակին : Կու գայ մեզի , կը հրաւիրէ զմեզ թողուլ բոլոր մեր ապաստարանները որ այնպէս տկար և խախուտ են ինչպէս խորտակող նաւ մը , և ապաւինել անոր : Հաւատք՝ է վստահել անոր միայն , թէպէտ երբ կը խորհիս քու մեղացդ և տկարութեանցդ վրայ՝ թերեւ լցուիս տաքակուսանօք և երկիւղներով և շատ անգամ խորհիս թէ չես ապահով : Քաջալերուէ ուրեմն , ով դողդղացող հաւատացեալ : Կը զգաս թէ կորսուած ես առանց Յիսուսի , և կ'աղօթե՞ս եռանդեամբ , “ Տէր , աղատէ զիս , եթէ ոչ կը կորսուիմ : ” Ուրեմն ինչ և ըլլան քու տխուր տարակոյսներդ , ունիս հաւատք , փրկարար հաւատք , հաւատք՝ զորմէ խօսեցաւ Պօղոս երբ ըսաւ , “ Հաւատա Տէր Յիսուս Քրիստոսին , և պիտի փրկուիս դուն : ” Ոչ ոք , որ այսպէս կու գայ Յիսուսի , կրնայ կորսուիլ :

ԵԿԷՔ , ՈՎ ԴՈՒՔ ՈՐ ԵՐԻՏԱՍԱՐԴ ԷՔ

Ծաղկահասակ ընթերցող , համոզուէ տալ քու կանխագոյն տարիներդ Աստուծոյ : Մասնաւոր

խոստում կայ քեզի համար . “ Զիս կանուխ փնտռողները զիս կը գտնեն : ” Թերեւ կը խորհիս . “ Ես չպարտիմ բարեպաշտ ըլլալ վասն զի դեռ փոքր եմ . քիչ մը վայելեմ աշխարհը , տակաւին շատ ժամանակ ունիմ ապրելու : ” Փոքր ես բարեպաշտ ըլլալու , կրօնքի ծառայելու համար : Բայց չե՞ս փոքր մեղանչելու համար , և ոչ փոքր մեռնելու համար , և ոչ իսկ փոքր դժոխք նետուելու համար : Թերեւ չապրիս այնչափ երկար որ հասնիս չափահաս մարդկութեան , թող թէ ծերութեան : Քու հասակդ եղող շատ պատանիներ կը մեռնին : Երբ մտնես գերեզմանատուն մը , կը տեսնես հոն թէ գերեզմաններէն շատն են մանկանց և երիտասարդաց : Մինչև անգամ հիմա կարելի է որ մահը պատրաստուի յարձակել վրադ : Ո՛հ , ուրեմն եկուր իսկոյն Յիսուսի : Մեծապէս կը սխալիս եթէ կարծես թէ կրօնքը տխուր կ'ընէ քեզ : Այն չտար քեզ ուրիշ բան , բայց միայն ճշմարիտ երջանկութիւն : Շատ երիտասարդք փորձեցին զայն , և անոնք ամէնքը պիտի ըսեն քեզի թէ բարեպաշտութեան հաճութիւնք և վայելք գերազանցապէս լաւագոյն են քան բոլոր զուարճութիւնք մեղաց և ունայնութեան : Պիտի հասկնաս թէ ճշմարիտ է այս եթէ դաս Յիսուսի : Ի՞նչ . հաւանակա՞ն է որ նա թողու իւր հաւատացեալները նուազ երջանիկ ըլլալ քան որչափ կ'ըլլան ծառայք

աշխարհի : Նաև ի՞նչպէս կը համարձակիս օր մի ևս ապրիլ քանի որ կը մերժես զնա : Կը հրամայէ մեզ որ իսկոյն հաւատանք և հնազանդինք իրեն : Ամէն օր որ կը մերժենք ապաշխարել՝ նոր ապստամբութեան դործ կ'ընենք և կը գանձենք բարկութիւն՝ բարկութեան օրուան համար : Կ'ըսես թերևս , թէ պիտի ապաշխարես երբ մեծնաս : Բայց Աստուծոյ Հոգւոյն պէտք ունինք որ օգնէ մեզի ապաշխարել : Եթէ կ'ըսես , « Բանի որ մանուկ եմ , պիտի ծառայեմ Սատանայի , և մինչև որ չմօտենամ մահուան՝ պիտի չդառնամ Աստուծոյ , » կը կարծես թէ Աստուած բնաւ պիտի տա՞յ քեզ իւր Սուրբ Հոգին : Ո՛չ ապաքէն քու այս ըրածդ մարել է Հոգին : Թերևս դուն բոլորովին իյնաս անհոգութեան մէջ և ըլլաս անյարմար ապաշխարելու : Շատ քիչեր դարձի եկած են իրենց ծերութեան հասակին մէջ : Եթէ փոքր հասակիդ մէջ չես դար Յիսուսի , հաւանական չէ որ դաս երբեք : Ունակութիւնը զօրաւոր շղթայիւք պիտի կապէ կաշկանդէ դքեզ , և օր ըստ օրէ ևս առաւել պիտի դժուարանայ այն շղթայից խորտակման դործը : Մինչ դու կը դանդաղիս , Սատանան կը գործէ : Շատ ժրութեամբ կ'աշխատի կապ կապի վրայ աւելցունել վրադ : Անոր գերին ես դուն , և նա կը ջանայ առաւել ևս ամուրցունել և պրկել չուանները որովք կապած է դքեզ : Երբ

մեղք կը գործես , կապ մի ևս կ'աւելցունէ կապերուդ վրայ : Իւրաքանչիւր տպաւորութիւն զոր կը ջնջես , իւրաքանչիւր ժամ՝ յորուման հոգ կ'ըլլաս , կ'աւելցունէ նոր կապ մը կապերուդ վրայ : Եթէ չես փախչիր հիմա , ի՞նչպէս կրնաս յուսալ թէ կարող պիտի ըլլաս արձակուիլ այնպիսի ժամանակ մը երբ դուն աւելի տկար և կապանքդ աւելի զօրաւոր պիտի ըլլան : Ո՛հ , ուրեմն հիմա « Գու Ստեղծիչդ երիտասարդութեանդ օրերուն մէջ յիշէ : » Եւ կուր իսկոյն Յիսուսի , եթէ երբեք կ'ուզես գալ : Նա պիտի ըլլայ քեզի առաջնորդ որդեայրից մէջ , մխիթարութիւն՝ վշտաց մէջ , պահապան՝ կենաց վտանգներուն մէջ : Օր մը անգամ մի՛ կորսնցուներ այսպիսի բարեկամ մը ստանալու արտօնութիւնը : Ըսէ այս վայրկեանէս սկսեալ . « Ով Հայր իմ , դուն ես իմ մանկութեանս առաջնորդը : »

Առակ . Գ . 1—24 , Դ . , Ը . 17 , Ժող . ԺԲ . 1 :

Եկե՛ք , ԲՎ ԴՈՒՔ ՈՐ ԾԵՐՈՒԹԵԱՆ ՀԱՍԱԿԻՆ ԿԸ ՄՕՏԵՆԱՔ , ԵՒ ԴՈՒՔ ՈՐ ԱՐԻԷՆ ԾԵՐԱՅԱԾ ԷՔ

Ձեզի համար կենաց առաւօտն անցած է : Հասած էք լերան գագաթը , կամ կ'իջնէք ձորը անոր միւս կողմէն : Դուք արագ կը մօտենաք գերեզմանին : Թերևս տակաւին ոգւով և ջանիւ դբադեալ ես կենաց հարկաւոր աշխատութիւններով , կամ թերևս շահու հակա

միտութիւնը և սէրը ընկղմած է քեզ բաղում  
ընկճող հոգերու մէջ: Բայց մի մոռնար որ  
«մէկ բան մը պէտք է»: Մենք կրնանք բլլալ  
առանց որ և իցէ ուրիշ բանի մինչև անգամ  
առանց նոյն իսկ կեանքի, բայց բնա՛ւ՝ առանց  
Յիսուսի: Հոգւոյն փրկութիւնն է այն միակ բանը  
որ պէտք է: Շատ տարիներէ հետէ զբաղեալ  
ես այս կենաց գործառնութիւններով, բայց  
տակաւին չես գտած ժամանակ կրօնքի ծա-  
ռայելու: Քու գլխաւոր գործդ սկսուած ան-  
գամ չէ: Բայց բոլոր ուրիշ բաներն ի՛նչ չնչին  
իրեր են բաղդատելով կրօնքին հետ: Քանի  
մը տարիէն ետքը կարեւորութիւն մը պիտի չու-  
նենայ մեր հարուստ կամ աղքատ բլլալը,  
բայց անհուն հետեանք պիտի ունենայ մեր  
առ Յիսուս եկած բլլալը կամ չբլլալը: Հա-  
ղարաւոր մարդիկ մեռած են շուրջդ: Գրացիք  
և բարեկամք, և շատեր որոց հետ դպրոց  
կ'երթայիր կամ գործի սկսար, իրենց դե-  
րեղմաններուն մէջ են հիմա: Աստուած խնա-  
յած է քեզ: Բայց դու ևս կրնայիր կտրուած  
բլլալ անպտուղ ծառի մը նման, անպատ-  
րաստ: Թերեւս Աստուծոյ երկայնմութիւնը  
հատած է: Թերեւս շուտով պիտի տրուի «Ա-  
տիկա կարէ, ինչո՞ւ համար գետինը խափանէ»  
վճիռը: Թերեւս ծերացած ես: Իմ ծերունի  
բարեկամն, ո՞րչափ լուրջ աղքարարութիւնք  
կը ստիպեն զքեզ պատրաստուելու: Քու խոր-

շումեալ դէմքդ, ճերմկած մազերդ, նուաղած  
ոյժդ, բարձրաճայն կ'ըսեն քեզի թէ մօտ է  
վախճանդ: Դու կը դողդոջես գերեզմանին  
եզրը: Թերեւս երիտասարդ մը ապրի շատ տա-  
րիներ, սակայն դուն չես կրնար այլ ևս եր-  
կար ապրել: Շուտով, շատ շուտով պիտի մեռ-  
նիս: Ո՛հ, ի՛նչպէս սոսկալի է կանգնել ֆրիս-  
տոսի դատաստանին աթոռին առջև, և տալ  
հաշիւ երկար կեանքի մը համար զոր անցուցած  
ես մերժելով զնա, հաղարաւոր այն կիրակի-  
ներուն համար, նաև քարոզներուն և արտօ-  
նութեանց համար, որոց անհոգ դանուեցար:  
Ո՛հ, ուրեմն Յիսուսի եկուր հիմա: Մի կոր-  
սընցուններ վայրկեան մը իսկ: Մէկ վայրկեան  
մը անգամ չպարտիս վատնել յումպէտս: Ար-  
դարեւ կարծրացուցած ես սիրտդ, և ապաշ-  
խարութիւնն աւելի դժուարացուցած ես, այս-  
չափ երկար ժամանակէ հետէ զանց ընելով  
կրօնքի ծառայելը: Բայց եթէ անկեղծ եռան-  
դով խնդրես Աստուծոյ Սուրբ Հոգւոյն օգ-  
նութիւնը, պիտի շնորհէ խնդրուածդ մինչև  
անգամ հիմա: Տակաւին չէ շատ ուշ: Թէպէտ  
այսչափ ժամանակէ հետէ մերժած ես լսել ա-  
նոր, Յիսուս չէ դադրած քեզի խօսելէ: Տա-  
կաւին կ'ըսէ, «Եկուր ինծի»: Տակաւին կը  
սիրէ քեզ: Տակաւին կը սպասէ փրկել քեզ:  
Ո՛հ, այլ ևս մի անարգ անօք վարուիր անոր հետ:  
Ետեդ նայէ: Մահը կու գայ ետեէդ մեծ քայ-

լերով, շատ մօտեցած է քեզի : Դատաստանը շատ մօտիկ է և դժոխքը անմիջապէս կու գայ անոր ետեւէն : Գրեթէ պիտի բռնեն քեզ : Փախիւր ֆրիստոսի այս վայրկենին : Եկուր Յիսուսի : Միայն նա կարող է փրկել :

Տես Մատթ. 9. 19—24, Դուկ. Ժ. 40—42, ԺԳ. 6—9 :

ԵԿՈՒՐ, ՈՎ ՈՒԽՏԱԴԻՈՒԺ

Քուկդ մասնաւոր վիճակ մի է, վասն զի դուն արդէն եկած ես Յիսուսի, բայց մոլորած ես անկէ : Դուն ժամանակաւ մօտ էիր անոր բայց այժմ հեռացած ես անկէ : Քու մեղքդ շատ մեծ է : Դուն քիչ մը առած ես փորձը ֆրիստոսի սիրոյն, բայց այժմ թողած ես զնա : Դուն վայելած ես աւելի պայծառ լոյս և աւելի մեծ օգուտ քան զայնպիսիս որ բնաւ չեն գիտցած թէ կրօնքն ինչ է : Ընդունուած ես փարախին մէջ, և առած ես հաւիւր քաղցր արօտին ուր բարի Հովիւր կ'արածէ իւր հօտը, բայց դուն այսու ամենայնիւ մոլորած ես սուրբ փարախէն : Գուցէ քու այս վիճակդ սկսաւ նախ ծածուկ կերպով մը, ազօթ չընելով և անհոգ ըլլալով Աստուծոյ խօսքին : Կամ տեղի տուիր փորձութեան մը, բայց չգացիր ֆրիստոսի թողութեան համար, և այսպէս տակաւ եղար անհոգ : Դուն տակաւին կրնաս դարուանց զքեզ ձեռացունել բա-

րեպաշտ, բայց քու սիրտդ շիտակ չէ Աստուծոյ առջևը : Թերեւ ընկղմած ես աշխարհային զբօսանաց մէջ, և օրինակ ես Յովնանէս առաքելոյն խօսքին . “Թէ որ մէկը աշխարհը կը սիրէ, անոր ներսի դին Հօրը սէրը չկայ :” Գուցէ աւելի գէշ վիճակի մէջ կը գտնուիս, ինկած ըլլալով յայտնի մեղաց մէջ, և բերած ըլլալով ամենուն առջև նախատինք ֆրիստոսի եայ անուան վրայ : Կորսնցուցած ես բարիք ընելու բոլոր այն պատեհութիւնները որ եթէ չըլլայիր ուխտադրուած, պիտի ընէիր : Այսպէս կողոպտած ես զԱստուած : Վհատեցուցած ես ուրիշներ ալ քու ցրտութեամբդ և անհաստատութեամբդ, և այսպէս արգելք եղած ես շատերու որք կը հարցնէին, “Ինձի ի՞նչ պէտք է ընել որ փրկուիմ :” Փոխանակ օրհնութիւն ըլլալու այլոց՝ եղած ես անէծք : Եւ որ աւելին է, վշտացուցած ես Սուրբ Հոգին, կրկին խաչը հանած ես Աստուծոյ Որդին և խայտառակած ես զնա : Բայց Յիսուս, բարի Հովիւր, որոյ փարախը թողուցիր, կ'ուզէ ետ բերել քեզ : Կը փնտռէ մոլորեալ ոչխարը : Կ'ըսէ, “Ով իսրայէլ, քու Տէր Աստուծոյդ դարձիր : Անոր ըսէք, Ամէն անօրէնութիւնը վերցուր, և մեզ բարութեամբ ընդունէ : Անոնց ապրտամբութիւնը պիտի բժշկեմ, զանոնք ձրիապէս պիտի սիրեմ, քանզի իմ բարկութիւնս անոնցմէ դարձաւ : Դարձէք, ով ապստամբ

որդիք , և ես պիտի բժշկեմ ձեր ապստամբութիւնը քանզի ես ողորմած եմ : Միայն թէ քու անօրէնութիւնդ ճանչցիր որ քու Տէր Աստուծմէդ ապստամբեցար : Դարձէք , ով ապրստամբ որդիք ,” կ’ըսէ Տէրը :

Խորհէ այս քաղցր խօսքերուն վրայ : Լաւ մտածէ անառակ որդւոյն առակին վրայ : Քանզի զայն ի՞նչ աւելի քաջալերութեան պէտք ունիս : Թէպէտ միորեքով հեռացար Յիսուսէ , կրնաս նորէն գալ անոր : Նա այնպէս յօժար է ընդունել քեզ ինչպէս առաջ : Ուրեմն կանգ առ դէպ ի ետ երթալու ընթացքիդ մէջ : Տէրոջդ դարձիր , վասն զի ինչո՞ւ համար մեռնիս :

Տես Սաղմ . ԺԺԹ . 176 , Երեմ . Գ . 12—14 , 22 , Ովմ . ԺԴ . 1 , 4 , Ղուկ . ԺԵ . :

ԵԿՈՒՐ , ՈՎ ՅՈՒՍԱՀԱՏԵԱԼ ՄԵՂԱՒՈՐ

Թերեւս կ’ըսես , « Աստուծոյ ողորմութիւնն ուրիշներուն համար է և ոչ ինծի համար : Ես չատ մեղաւոր եմ : Ես չարաչար գործածեցի մեծագոյն արտօնութիւնները , և ի դերեւ հանեցի հզօրագոյն համոզումները : Կռուեցայ Աստուծոյ դէմ , և այնպիսի ոճիրներ գործեցի որ կը սոսկամ խորհել անոնց վրայ : Անհնար է ինձ գտնել թողութիւն :” Լսէ , ով մեղաւոր , Աստուած կ’ըսէ , « Թէ որ ձեր մեղքերը կրկնակի կարմիրի պէս են՝ ձիւնի պէս պիտի ճերմըկնան :” Ես կենդանի եմ ,” կ’ըսէ Տէր Ե-

հովան , « որ ամբարշտին մեռնիլը չեմ ուզեր , հապա որ ամբարիշտը իր ճամբէն դառնայ ու ապրի , դարձէք՝ դարձէք ձեր չար ճամբաներէն , վասն զի ինչո՞ւ մեռնիք :” Լսէ , ով մեղաւոր , « Յիսուս Քրիստոսի արիւնը մեզ ամէն մեղքէ կը սրբէ :” Ամէն մեղքէ , ուրեմն նաեւ քու մեղքերէդ : Լսէ . « Բոլորովին կարող ալ է ապրեցունելու անոնք՝ որ իրմով Աստուծոյ կու գան :” Եւ ուրեմն նաեւ քեզ : Լսէ . « Քրիստոս Յիսուս աշխարհք եկաւ մեղաւորները փրկելու որոնց գլուխը ես եմ :” Կը փրկէ մեղաւորաց գլխաւորը , և ուրեմն կրնայ փրկել քեզ ալ : Դաւիթ որ գործած էր սպանութիւն , Պետրոս , որ ուրացած էր զնա , աւաղակը խաչին վրայ , և հազարաւորք որ աղաղակեցին « Խաչը հանէ ասիկա ,” Պօղոս՝ հալածիչը , աւսոնք ամէնքը փրկուեցան : Եւ այն որ փրկեց զանոնք , կարող է փրկել նաեւ քեզ : Կը վախճաւ թէ գործած ես աններելի մեղք : Նոյն իսկ քու այդ անձկութիւնդ է աներկեան ապացոյց թէ չես գործած աններելի մեղք : Ինչ որ է աններելի կոչուած մեղքը , ստոյգ է թէ զայն գործող որ և իցէ մէկը բնաւ պիտի չապաշխարէր ճշմարիտ զղջմամբ անոր վրայ : Վասն զի Աստուածաշունչը կ’ըսէ ամէն տեղ , թէ ամէն ով որ կ’ապաշխարէ , ներում պիտի գտնէ , թէ ամէն ով որ ողորմութիւն կը փնտռէ , պիտի գտնէ : Եւ Յիսուս կ’ըսէ , « Ան որ

ինծի կու գայ՝ բնաւ դուրս պիտի չհանեմ,” այսինքն որ և իցէ բան պատճառ պիտի չըլլայ զնա դուրս հանելու: Այնպէս որ կրնանք բուրովին ըլլալ անտարակոյս թէ ապաշխարող մեղաւոր մը որ կու գայ առ Յիսուս մեղաց թողութեան համար, գործած չէ աններելի մեղք: Աստուած հաւատարիմ է իւր խոստման և երդման, և առատապէս կրներէ ամէն մեղաւորի որ կու գայ Յիսուսի՝ փրկուելու համար:

Բայց պիտի ըսես թերեւ, “Ես կորսուած մեղաւոր մըն եմ:” Անգամ մը սեղանոյ վրայ կը գտնուէր հռչակաւոր Մր. Հուիթֆիլտի եղբայրներէն մին Լէյտի Հընթինկդընի հետ որ ջանաց խրախուսել նորա յուսահատեալ հոգին խօսելով ֆրիստոսի անհուն ուղորմութեան վրայ: “Տիկին,” ըսաւ, Մր. Հուիթֆիլտ, “ձյմարիտ է թէ ես պարզ կը տեսնեմ զայդ, բայց ինծի համար չկայ ողորմութիւն, ես բոլորովին կորսուած թշուառական մըն եմ:” “Ես ուրախ եմ, ուրախ բոլոր սրտովս որ կը լսեմ թէ դու կորսուած մեղաւոր մըն ես,” պատասխանեց միւսը: “Ինչո՞ւ համար, Տիկին, ուրախ ես որ ես եմ կորսուած մարդ մը:” “Այո, Մր. Հուիթֆիլտ, ստուգիւ ուրախ եմ, վասն զի Յիսուս ֆրիստոս աշխարհ եկաւ կորսուածը փրկելու:” Այդ խօսքը խրախոյս տուաւ անոր հոգւոյն: Հաւատաց Յիսուսի, և շուտ ետքը մեռաւ խաղաղ մահուամբ: Ու

մեղաւոր, ուրախ եղիր, Յիսուս եկաւ փրկել կորսուածը, փրկել զքեզ:

Տես Ես. Ա. 18, Եղեկ. ԺԲ. 30—32, ԼԳ. 11, Ղուկ. ԺԹ. 10, Յովհ. Զ. 37, Ա Տիմ. Ա. 15, Եբր. Է. 25, Ա. Յովհ. Ա. 7:

ԵԿՈՒՐ, ՈՎ ԱՆՀՈԳ ՄԵՂԱԻՈՐ

Ի՞նչ ահաւոր վիճակ, երբ Աստուծոյ դէմ ապստամբ մը որ արագ արագ մահուան կը դիմէ, և դատապարտուած է դժոխքի, դեռ կը գտնուի անհոգ: Ընթերցող, դուն ալ այնպիսիներէ՞ն ես որք այնչափ շատ զբաղեալ են այս աշխարհիս չնչին բաներով որ ուշադրութիւն չեն տար հանդերձեալ ստոյգ և յաւիտենական բաներուն: Լսէ Յիսուսի սա ազդու հարցման: Մտածէ անոր վրայ: “Ի՞նչ օգուտ է մարդուն՝ որ բոլոր աշխարհը վաստակի, և իր անձը կորսնցընէ:” Դիցուք թէ տեսնէիր ամբոխ մը որ կը քալեն մարդագետնի մը վրայէն որոյ ծայրը կայ սոսկալի զառ ի վայր մը: Անոնք յառաջ կ'երթան զուարթ և ուրախ, ծաղիկներ փրցունելով, մինչև որ կը հասնին անոր ծայրը և մի առ մի կ'իյնան գահաւանդէն վար և կտոր կտոր կը ջախջախին: Պիտի չաղաղակէի՞ր անոնց, “Կեցէք, կեցէք, եթէ կը յարգէք ձեր կեանքը, ե՛տ դարձէք:” Դուն յառաջ կը վազես աւելի սոսկալի վախճանի մը: Քու առջևդ բացուած է կրակի լիճը,

և տակաւին կ'երթա՞ս յառաջ: Յիսուս կ'ազաղակէ. « Դարձէք, դարձէք, ինչո՞ւ համար մեռնիք: » Բայց դուն չես տեսներ վրտանգը: Երջանիկ կը զգաս դու զքեզ, և կը յուսաս թէ ամէն բան ըստ կարգին պիտի ըլլայ քեզի համար այսուհետեւ: Բնաւ տեսած չե՞ս թէ հոսանքն ի՞նչպէս հարթ է և հանդարտ ճիշդ կարկաջասահանքէն վար գահավիժեղէն առաջ: Այսպէս է քու այժմու խաղաղութիւնդ. շուտով պիտի խանգարի ահաւոր կերպով անվախճան թշուառութեան մէջ գահավիժելով: Կան շատ թոյներ որ հաճելի համ ունին, և կը հրապուրեն դանոնք որ կ'առնուն, և անուշ անուշ կ'իյնան թմրած, բայց այն թմրութենէն բնաւ չեն արթննար: Դուն կը խմես Սատանային մահացու բաժակը: Ինչ որ կը կարծես հաճոյական ըմպելի, է մահաբեր թոյն, և քու անհոգութիւնդ կրօնքի վրայ նշան է թէ ի՞նչպէս ահաւոր կերպով կ'ազդէ այն քու հոգւոյդ վրայ: Զգուշացիր, գուցէ արթննաս դժոխքին բոցերուն մէջ: Մինչ տակաւին չէ ուշ, սթափէ այս թմրութեան վիճակէդ: Տունդ կրակ առած է, անոր տանիքը շուտով պիտի փչի և իւր ներքեւ ջախջախէ քեզ: Բայց դուն կը նստիս հանգարտ, կը խաղաս չնչին բաներու հետ և անփոյթ ես ամէն ազդարարութեանց դէմ: Շատեր կ'ազաղակեն, « կրա՛կ կայ, կրա՛կ կայ, փախիր և ա-

զատէ կեանքդ: » Բայց դուն ուշադրութիւն չես ըներ այս ազաղակներուն: Յիսուս կը ներկայացունէ զինք ապաստանարան քեզի, բայց ի զուր: Դուն տակաւին չես նայիր, տակաւին վտանգի մէջ ես: Վտանգի մէջ կ'առնուս քու իւրաքանչիւր շունչդ: Վտանգն է քու ճանապարհի ընկերդ, և վտանգը կը սաւառնի տանդ վրայ: Վտանգը կը շրջապատէ քեզ ցերեկուան զբաղմանց մէջ, և վտանգը կը նայի քեզի վարագոյրներուդ միջոցներէն գիշերուան լուսութեան մէջ: Թերեւս յաջող դուրծ ունիս, սիրելի ես, կը շողորթես քեզ և կ'ապրիս անհոգ, անխորհուրդ, բայց գիտցած ըլլաս որ վտանգի մէջ ես: Թերեւս ընկղմած ես գործիդ վերաբերեալ խորհուրդներու մէջ, կամ հեազհետէ կը թաղուիս աշխարհային հեշտութեանց և մեղաց մէջ, բայց վտանգի մէջ ես, Աստուծոյ բարկութեան, մահուան և դժոխքի վտանգին մէջ: Ո՛հ, փախիր դէպ ի Յիսուս: Հոն միայն ենք ապահով: Աճապարէ մոնել ներս փրկութեան դռնէն, մինչ տակաւին բաց է այն, վասն զի շուտով պիտի գոցուի, և այնուհետեւ ի զուր պիտի բաղխես այն դուռը: Տես Ժող. ԺՍ. 9, Եղեկ. Գ. 17—19, ԼԳ. 1—19, Մարկ. Ը. 34—38, Ղուկ. ԺԲ. 16—21, Բ. Պետ. Գ. 1—12:

ԵԿՈՒՐ ՀԻՄՆ, ՎԱՂԸ ԱՐԵՒԻ ԴԺՈՒԱՐ ՊԵՏԻ ԸԼԼԱՅ  
ՔԵԶԻ ԳԱԼ

Թերեւս կը խորհիս թէ ապաշխարութիւնը այս օրուան չափ դիւրին պիտի ըլլայ որ և իցէ

ապագայ ժամանակ մը : Այս յոյժ վտանգա-  
ւոր կերպով խաբուիլ է : Ամէն տեսակ տպա-  
ւորութիւնք կ'աւրուին կրկնութեամբ, եթէ մնա-  
յուն չգործուին կատարելով : Եթէ երբեք  
բնական էս աղմկալից աղօրիքի, գոռացող  
գետոյ մը կամ ծովու մօտ, կը յիշես թէ ձայ-  
նը որ ի սկզբան կը ձանձրացունէր, անհան-  
գիստ կ'ընէր քեզ, յետոյ հազիւ առարկայ  
կ'ըլլար քու ուշադրութեանդ : Ճիշդ այսպէս  
կրօնի ճշմարտութիւնք կրնան խորապէս տպա-  
ւորել մտաց վրայ, բայց եթէ այդ տպաւո-  
րութիւնք չգորացունէ գործելով անոնց հա-  
մեմատ, այն ճշմարտութեանց ազդեցութիւնը  
մտաց վրայ հետզհետէ պիտի նուազի և տկա-  
րանայ, մինչև որ լսուին կատարեալ անտար-  
բերութեամբ : Յիսուս կ'ըսէ, «Ահա ես դուռը  
կայներ եմ ու կը զարնեմ :» Նա կը զարնէ  
դուռը քարոզներով, գիրքերով, խօսակցու-  
թիւններով, խղճմտանքին միջոցաւ, և վսեմ  
ազդարարութիւններով : Չայնը կ'արթնցունէ  
քեզ, բայց եթէ չես ելլեր և բանար դուռը,  
վաղը քիչ պիտի ազդէ քեզի այն ձայնը,  
մինչև որ վերջապէս բնաւ չլսես զայն : Որչափ  
շատեր, որոց երբեմն խորապէս կ'ազդէր կրօն-  
քը, հիմա բան չեն զգար և արագ և անխուով  
կ'իջնեն վար դէպ ի դժոխք :

Անգղիոյ ծովեզերքը զառ ի վեր ժայռե-  
րուն կողից վրայ բազում ծովային թռչունք  
հաւկիթ կ'ածեն, զորս ժողովելով ոմանք՝ իրենց  
կեանքը վտանգի մէջ դրած, կը հայթայթեն

ապրուստ : Անգամ մը մարդ մը հաստատելով  
իւր երկաթ ձողը գետին, և վար իջնելով այն  
ձողին կապուած չուանով, գտաւ որ ժայռին  
ծայրը դուրս ցցուած ըլլալով ինք հեռի կը  
մնար անոր վարի կողման կողքէն ուր հաւ-  
կիթները կը գտնուէին, և չէր կրնար հասնել  
անոնց առանց օրուելու ետ և առաջ : Այս  
կերպով վերջապէս կարող եղաւ իւր ոտու-  
նէրը դնել ժայռին վրայ, բայց չուանը ձեռ-  
քէն ելաւ : Մարդուն վիճակը յոյժ սոս-  
կալի էր : Ծովը կը գոռար հարիւրաւոր ոտ-  
նաչափ վարը : Անկարելի էր անոր մագլցել  
ոչ դէպ ի վեր և ոչ դէպ ի վար : Շուտով պիտի  
կորսուէր անօթութեամբ, կամ ինչալով վար  
կտոր կտոր ջախջախուէր ժայռերուն վրայ :  
Չուանը միայն էր անոր ազատուելու միջոցը :  
Տակաւին կ'օրուէր չուանը ետ և առաջ, բայց  
երբ դադարէր օրուելէ, անհնար պիտի ըլլար  
հասնել անոր : Ամէն անգամ որ կը մօտենար  
իրեն, աւելի հեռի կը մնար իրմէ քան որչափ  
նախընթաց անգամուն : Ամէն վայրկեան որ  
կը սպասէր՝ կ'աւելնար իւր վտանգը : Ուստի  
հաստատ որոշեց, և յաջորդ անգամ որ չուանը  
դէպ ի անոր մօտեցաւ, ցատկեց յառաջ, բռնեց  
դայն և վեր ելաւ անոր միջոցաւ ապահով :  
Մեղաւոր, քու փրկութիւնդ ևս աւելի կը հե-  
ռանայ քենէ ամէն վայրկեան որ կը սպասես :  
Վարը դժոխքն է : Մահը չուտով զքեզ վար  
պիտի նետէ : Բայց Յիսուս մօտ է փրկել զքեզ :  
Կը հրաւիրէ զքեզ բռնել զինք : Մի միայն յոյսդ

է նա : Բռնէ զնա հաւատով : Չես կրնար վրիպիլ զնա բռնելէ : Նա պիտի բռնէ զքեզ և տանի վեր երկինք : Բայց ամէն վայրկեան որ կը դանդաղիս կը յապաղիս , դժուարութիւնն աւելի կը մեծնայ : Յիսուսի եկուր հիմա :

ԵԿՈՒՐ ՀԻՄԱ , ՎԱՂԸ ԹԵՐԵՒԻՍ ՇԱՏ ՈՒՇ Է

Թերևս որոշած ես գալ Յիսուսի բայց ոչ ճիշդ հիմա : Կ'ըսես Փելլիքսի նման , “ Դուն հիմա գնա , ու երբոր ժամանակ ունենամ ” ես քեզ կը կանչեմ : ” Սատանան գիտէ որ եթէ թողուս կրօնքը , հաւանականապէս գերի պիտի ընէ զքեզ յաւիտեան : Աստուած կ'ըսէ , “ Այսօր թէ որ անոր ձայնին պիտի լսէք , ձեր սիրտերը մի խտտացընէք , ահա հիմա է փրկութեան օրը : ” Սատանան կը փախայ աւանջիդ , “ Ոչ հիմա , այլ վաղը : ” Կը համոզէ քեզ թէ Աստուծոյ պիտի տաս քու բոլոր ապագայ օրերդ , եթէ միայն նուիրես իրեն ներկայ օրերդ : Ո՛հ , զգուշացիր վաղուրնէ : Հոգիներ կը կորսուին ընդհանրապէս , ոչ վասն զի կ'որոշեն բնաւ չապաշխարել , բայց վասն զի կը թողուն ապաշխարելու գործը մինչև ապագայ ժամանակ մը , և տակաւին կը յապաղին մինչև որ այլ ևս անցած ըլլայ ժամանակը : Վաղիւները խուռն բազմութիւններ լեցուցած են դժոխքը :

Թերևս կը խորհիս սպասել մինչև հիւանդութիւն յարձակի վրադ : Բայց հիւանդին անկողինը ամենէն անյարմար տեղն է ապաշ-

խարութեան համար : Թերևս այն ատեն քու միտքդ այնպէս խանգարուած ըլլայ զառանցանքով , տենդով կամ ցաւով , կամ թերևս միտքդ ալ հիւանդացած ըլլայ մարմնոյդ հետ այնպէս որ կարող չըլլայ խորհել : Խաղաղութիւնը որով բազմութիւնք կը թուի թէ կը մեռնին , ցաւ չզգալէն է : Շատեր որ հիւանդութեան ժամանակ ցուցուցած էին թէ ապաշխարեցին , երբ առողջացան՝ աւելի անհոգեղան քան որչափ առաջ : Չէր այն ճշմարիտ դարձ , և եթէ մեռած ըլլային , պիտի կորսուէին : Հիւանդութեան ժամանակ փրկուելու քիչ յոյս կայ :

Բայց թերևս բնաւ չգայ այսպիսի ժամանակ մը : Դուն թերևս մեռնիս վայրկեան մը առաջ անդամ չիմացած : Թէպէտ այսօր ողջ առողջ ըլլաս , կրնաս վաղը մեռած ըլլալ : Եւ քանի որ կեանքն այսպէս անստոյգ է , կը մերժե՞ս փրկութիւնը : Բանտարկեալի մը մահուան վճիռ տրուած է : Չգիտեր թէ երբ է սպանման ժամը , բայց բտուած է անոր թէ եթէ մահուան ժամը գալէն առաջ աղաչէ պաղատի կառավարչին , պիտի խնայուի իւր կեանքին : Բայց բանտարկեալը կ'ըսէ , “ Վաղը կը շրկեմ աղերսագիրս : ” Եւ երբ վաղը կու գայ , կ'ըսէ դարձեալ , “ Տակաւին բաւական ժամանակ կայ , ես քիչ մըն ալ կրնամ սպասել : ” Եւ ահա յանկարծ կը բացուի բանտին դուռը , և բանտապետը և դահիճը կը մտնեն ներս : “ Ո՛հ , սպասեցէք , և զրեմ աղերսագիրս , ” կ'ըսէ :

“Ոյ” կը պատասխանեն, “Ժամը զարկած է, Ժամանակը շատ ուշ է, պարտիս մեռնել” Ողորմելի՛ մեղաւոր, դատապարտուած ես . . . : Ձեռ գիտեր թէ ե՛րբ պիտի մեռնիս : Թերեւս այս օր : Դուն ապաշխարութիւնդ կը թողուս վաղուան : Բայց վաղը գուցէ ըլլաս դժոխքը : Բրիտոս այսօր կը զարնէ դուռդ, բայց յիշէ որ մահը թերեւս բաղխէ վաղը : Թէպէտ դուրս թողուս քու լաւագոյն բարեկամդ, մահը ներս կը խուժէ, և կը վազցունէ քեզ տանել Դատաւորին : Յիսուսի եկ այսօր : Կ’ուզէ փրկել քեզ : Երկնից դուռը բաց է այսօր : Վաղը թերեւս ուշ պիտի ըլլայ :

Կարդա Մատթ . ԻԴ . 36—51, ԻԵ . 1—13, Ղուկ . ԺԲ . 16—21, ԺԳ . 24—28, Գործ . ԻԴ . 25 : Բ կոր . 2 . 1, 2, Եբր . Գ . 7—11 :

ՊԻՏԻ ԿՈՐՍՈՒԻՍ, ԵԹԷ ԶԳԱՍ


“Ինծի ի՞նչ պէտք է ընել որ փրկուիմ”  
 “Հաւատա Տէր Յիսուս Բրիտոսին”  
 “Ինծի ի՞նչ պէտք է ընել որ կորսուիմ”  
 “Մնհոգ եղիւ անանկ մեծ փրկութեան մը”  
 Հարկ չէ ընել բան մը : Մենք արդէն կորսուած ենք : Յիսուս կ’առաջարկէ փրկել զմեզ . բայց եթէ մենք մերժենք անոր առաջարկութիւնը, կը մնանք ինչպէս որ ենք : Եթէ մարդ խայթուի մահացու օձէ մը, բայց մերժէ գործածել մի միայն դարմանը, կը մեռնի : Աւետարանն է մի միայն դարման հոգւոյն, և եթէ անհոգ գտնուինք անոր, մեղքը կը սպաննէ մեզ : Հարկ

չէ որ ըլլաս գող կամ մարդասպան, հոգիդ կորսնցունելու համար : Կրնաս արտաքուստ պահել կրօնքին բոլոր պատուէրները, բայց եթէ չես դար Յիսուսի, կը կորսուիս : Մտածէ սա ծանրակշիռ խօսքին վրայ . “Մենք ինտո՞ր պիտի ազատինք՝ թէ որ անհոգ ըլլանք անանկ մեծ փրկութենէ մը”  
 Ազատումն անկարելի է եթէ անհոգ գտնուինք ապահով լինելու մի միայն միջոցը գործածելու մասին : Նաւակ մը կը տարուի դետոյ մը հոսանքէն փրկարդէզ սահանքի մը մօտ, ուր եթէ հասնի՝ պիտի կորսուի, բայց կայ երկնցած մի միայն ժայռ մը որուն մօտէն կանցնի նաւակը, և ուր կայ մարդ մը որ կը սպասէ ձեռքը չուան մը բռնած : Դիցուք թէ նաւակին մէջ գտնուողները անհոգ ըլլան բռնել չուանը, ի՞նչպէս հնար է անոնց ազատ մնալ այն վտանգէն : Մնհոգութիւնն է անոնց կործանումը : Միայն Յիսուս կրնայ փրկել հոգին : “Եւ ուրիշ մէկով մը փրկութիւն չկայ, ինչու որ անկէ ի դատ ուրիշ աշուն մը չկայ երկնից տակը մարդոց մէջտրուած, որ անով կարող ըլլանք փրկուելու”  
 Ով մեղաւոր, քու կորուստդ ստոյգ է եթէ մերժես զՅիսուս : Եւ յայնժամ ո՞րչափ մեծ պիտի ըլլայ քու յանցանքդ և պատիժդ : “Այլ անկէ ետեւ մեղքերու համար ուրիշ զոհ մը չմնար, հապա զարհուրելի սպասել մը դատաստանին, ու կրակի բարկութիւն մը կը մնայ, որ պիտի լափէ հակառակորդները : Մէկը թէ որ Մովսէսին օրէնքը անարդէր, առանց ողորմութեան երկու կամ երեք վիճաներով կը մեռնէր . ալ ո՞րչափ պատժոյ արժանի պիտի սեպուի կը

կարծէք անիկա , որ Աստուծոյ Որդին ոտքի տակ առաւ , և ուխտին արիւնը անմաքուր սեպեց , որ անով ինքը սրբուեցաւ , և շնորհաց Հոգին նախատեց : « Ի՞նչ խաբէութիւն բռնած է քեզ : Կը խորհիս թէ Աստուած ի գործ պիտի չդնէ՞ ինչ որ սպառնացած է , կը խորհիս թէ դուն պիտի փախչիս անոր սուր աչքէն , կամ կը խորհիս թէ ժայռերը պիտի ծածկեն քեզ : Մնտա՛ր յոյսեր : Չկայ ազատում բայց եթէ դալով Յիսուսի , և լոկ անհոգութիւնն է սոոյգ կորուստ : « Որովհետեւ ես կանչեցի , ու դուք չուղեցիք լսել , ես ալ ձեր թշուառութեանը վրայ պիտի ծիծաղիմ , ու ձեր վախը հասնելուն՝ ծաղր պիտի ընեմ . անատենը ինծի պիտի աղաղակեն , ու պատասխան պիտի չտամ . զիս պիտի փնտռեն ու պիտի չկրնան դանել , որովհետեւ գիտութիւնը ատեցին ու Տէրոջը վախը չընտրեցին . իմ խրատներս չուղեցին , ու բոլոր յանդիմանութիւնս անարդեցին : » Ո՛վ մեղաւոր , փախի՛ր այս ահաւոր սպառնալիքէն : Յիսուս այժմ կը կենայ բաց բազուկներով : Կ'աղաչէ քեզ որ դաս անոր և փրկուիս : Այլ ևս մի՛ մերժեր անոր շնորհքը : Եկուր քու բոլոր մեղքերովդ և վիշտերովդ , եկուր ճիշդ ինչպէս որ ես , եկուր իսկոյն : Բնաւ դուրս պիտի չհանէ քեզ : Եկուր Յիսուսի : Եկուր Յիսուսի :

Տես Առակ . Ա . 24—31, Յովհ . Գ . 14—21 , 36, Գործ . Գ . 12, Եբր . Բ . 1—3, Ժ . 26—31 :





1823

ՀՀ Ազգային գրադարան



NL0028634

1769